

嘉慶鳳臺縣志

鳳臺縣志卷二

賜進士出身翰林院庶吉士鳳臺縣知縣兼理壽州事李兆洛纂
食貨志

縣境侈於西北而縮於東南斷長補短方百里而有
餘準今畝度之方一里者爲田五百四十畝方百里
者爲方一里者萬則爲田五百四十萬畝也山水之
占地者少民居旣稀里落寥曠計城郭途巷山陵林
麓川澤四而去一其餘當得田四百萬畝有奇今歲
賦計田之在額者不過四之一民戶近十萬丁口不
及三十萬土雜五色多墳衍磽瘠之地十一

山土五色赤如

砂紫如赭極絢爛濱淮濱肥之田多膏腴惟薛家集清泉集土皆黑沙性燥而剝俗名鷄糞土穆楊湖土性稍疎劣為礲塉也又秧草山東厓產白土土人謂之觀音粉可為釀酒白藥居民掘得者售之頗獲利紫金山產赤土鹹鴨卵者以此土和鹽泥其穀宜麥卵則卵中黃色紅而潤土人亦掘而售之其穀宜麥大麥中飯小麥為麪性淳宜黍有土名秫秫亦名高粱和益人較他處之產為良宜黍有紅壳黑壳數種其稗中蓋宜菽菜豆中飯黃豆中壓油造腐所宜稷有屋編墻宜菽種最廣江豆扁豆為蔬間種之宜稷二種長稍大穗者土名穀子穉穗宜麻地多湖窪礲塉之而粒稍大者名穉子穉中飯宜麻地多湖窪礲塉之生粗不中績宜胡麻中壓油麻宜蕎麥種甚廣為麪其稗可編薄宜胡麻中壓油麻宜蕎麥食之耐饑儉歲尤賴下地亦宜稻蘆溝集顧家橋焦岡湖穆楊湖之矣皆多稻田雜稼宜棉山鄉間種之而芸治不勤宜靛餘亦間種雜稼宜棉山鄉間種之而芸治不勤宜靛鄉曲資宜菸俗名煙草治菸最勤利亦最大近城諸以為染坊多種之煙草之為害奪穀土耗地力

前賢論之詳矣而細民沒於小利終不能止抑思種煙工費數倍於他種若移此以治五穀何嘗不可得饒息其蔬宜菜有數種油菜以收子青菜四時皆有乎肅產宜蘿蔔白青紅諸種俱宜極肥大胡蘿也宜蘿蔔則切片醃之遠售江省矣宜蒿芭

宜莧宜菠薐宜葵宜蕪宜蒜宜韭宜胡葵宜芥宜青

椒種疏治畦掘井以灌井上施轆轤一井常灌四五

土少而蔬常盛長故畦其蔬宜瓜有數種東瓜南瓜

種其收子宜瓠宜茄其果宜榴宜梨宜柿宜棗宜桃

宜李宜杏宜蒲萄大洪山渾山東華山烟墩山多石

虎山多桃平阿山多藥則紫艾元和郡縣志壽州產

柿山氓每種果爲業柴胡爲良江離土人謂之

車路山者尤良不常有柴胡爲良江離土人謂之

報恩寺後產之或種以爲業十月佈子四月而刈鑊湯煮之納諸坎蹈以出汁經宿而暴之氣類蘇荏婦女以漬油膏髮遠方多來售之者芎藭茵陳皆以枸其草出境乃香故謂之離鄉草云

杞紫蘇之屬亦多有

北山之陽產蜈蚣聚小石爲培塿煮鷄汁灌之蜈蚣輒集捕之

中木則槐榆椿樗

農桑輯要材密而葉香者爲椿材疎而葉臭者爲樗今土人統名爲

椿率皆樗也不植而自生且易長數歲輒連抱其材并不中爨矣

山亦宜松柏而種

者少晉書稱八公山草木皆如人形而水經注則云

八公山無草木惟童阜耳今北山固濯濯也詢之山

民或云不宜木然其故老皆云北山向時木甚美中

棟梁今城中老屋多北山木所構其產有青櫝紅櫝

大皆合圍以上發老屋者猶時時得之青櫝色青黑

堅緻類海楠紅欖紅澤皆他處所無

玉篇欖木叢生也今作灌編檢

字書皆無此種木

明季兵火刊伐遂盡今欲求青欖紅欖之

蘖而辨其枝葉亦不可得矣居民每冬月則入山剡

草根以爨木之槎枿長尺餘者并其根掘而鬻之以

爲薪夫山者宜也莫之植而望其茂卽地亦窘於生

矣

今雷家套梁家套頗有松樹蓋皆飛子成林不過數年耳

故縣雖有山而薪蒸

苦貴鬻爨者頗資石炭

懷遠舜耕山產煤旁郡邑資之者甚衆舟車運載百里不

絕縣境之三山以東與懷遠接壤者亦漸次及之矣於民間日用甚有益而易於藏逋逃尤宜譏察也

濱淮之地宜柳宜荻葦亦樵蘇所賴也

柳之堅實者亦中梁柱淮

岸易崩種葦兼可護地

畜宜六擾闕墮產馬有佳者稍駮駝耳

魚則鯉魴鰓鮑鰓青鱣銀魚鱸殘魚

俗名魴條魚形肥白如魴

條也又名黃花魚

唐書地理志潁州土貢有糟白魚

唐下蔡屬潁州

今淮河白魚猶甲他處矣又有青金魚形類魴極鮮

美產黑石潭石穴中亦他所無也鯉魚不恒有間

有之其歲有水土人以爲候黍多靡於酒醪酒皆和

藥蒸黍而液之其以麥麴和黍蒸者謂之大麴酒產

闕疇者有名富人召客亦有釀糯米爲之者名五香

酒味醇實屑豆爲腐推珍珠泉所造爲佳品俗謂豆

腐創於淮南王此蓋其始作之所斯邑產之最古者

矣

謝綽拾遺豆腐之術三代前後未聞此物至漢淮南王安始傳其術於世

大約黍麥菽

苽菜稻爲大種餘皆閒植之地率兩歲而三收二月種黍七月而收已九月種麥至四月而收五月種菽九月而畢收乃稍息之及明年二月復種黍其一歲再收者麥若稻若菽若瓜若苽苽春秋皆可種其熟又速間種苽者或一歲三收矣田皆再犁犁後耙以去草下種後惟黍及豆或一耨再耨之餘種皆聽其自生不復治也糞雜六畜矢和以土而窖之俟犁而下之一熟一糞每畝之糞多不過二十石值錢三百雨以入土深淺爲量不及寸謂之一鋤兩寸以上謂之一犁雨過此謂之雙犁雨刈麥謂之撲麥撲麥之

具謂之綽形如大箕而綴以網刃鐵片爲口謂之鈇
綽之柄長與人等立而橫施之一人執器承其旁其
器謂之網採木如半月施枕於兩端網其中度可受
四五石曳而行執綽者前曳網者隨左右若挹若注
頃刻數畝麥穗狼籍麥莖之留於地者尺許不惜也
農不知擔荷凡田作皆役牛驢穫時不分秉束顛倒
納諸車中至場則縱橫播之以牛牽碌碡而碾之畝
所收者當其稔時黍麥可二石稻可四五石地之值
其下者止數百錢貴者不過四五緡一犁必駕二牛
謂之一犍貧者代以驢佃百畝者謂之一犍牛一夫

所治常數俱牛惟耕穫時須傭僦餘皆暇日矣凡縣
中田地當得四百萬畝有奇計畝歲收二石當得米
穀八百萬石丁口計三十萬別其士工商三民不在
農者約五萬計實丁之在南畝者不過二十五萬以
二十五萬丁治四百萬畝之地人可得十六畝家有
三丁同力合作治其屋下之田不爲兼并所取計歲
米穀常在九十石以上家不過八口人食日一升歲
所食三十石以其餘具糞溉供租賦與工商交易其
有無爲婚嫁喪葬宴會之具又以餘力治塘堰穿竇
窖爲水旱之備塘可以魚堰可以樹亦足以優游鄉

里長子養孫爲安足之氓矣乃一有小水旱葉色滿
野流亡載途鄭念祖者邑素封家也傭一兗州人治
圃問能治幾何曰二畝然尙須僦一人助之問畝之
糞幾何曰錢二千其隣之聞者譁曰吾一人治地十
畝須糞不過千錢然歲之所出常不足以償值若所
治少而須錢多地將能產錢乎鄭亦不能盡信姑給
地而試之日與其人闢町治畝密其籬疎其援萌而
培之長而導之燠而灌之濕而利之除蟲蟻驅鳥雀
雖所治少而終日搢搢不休息他圃未苗而其圃蔬
已實蔬已繁矣鬻之市以其早也價輒倍比他圃入

市而其所售者已償其本與他圃並市者皆其贏也
又蔬蔬皆鮮美碩大殊於他圃市之卽速售歲終而
會之息數倍其鄰乃大羨然亦不能奪其故習也嘗
行縣邑值小旱見苗且萎矣其旁有塘汪然詰之曰
何不埽曰水少而田多不敷也曰少救數畝不愈於
盡萎乎曰無其具曰何不爲曰重勞且恐所得不足
償費其愚而無慮蓋大率如此使邑之民皆如鄭之
圃而募江南民爲佃師以開水田其利豈可數計乎
地旣寥廓民田之離村落遠者數家合僱一人結草
舍於田中以巡瞭之謂之看青方芸田時傭者雲集

荷鋤入市地多者出錢往僦計日算工謂之打短刈
穫之日田主糾夥收割分亞旅周視其間謂之看邊
其貧者俟其穫隨而拾其穗遠者挈妻子老幼結草
舍於田隅一人所拾或至石許其亦遺秉滯穗風與
佃人田者牛種皆田主給之收而均分之歲稔則餘
數年之畜矣得比歲稔無立錫者或致千金稱貸者
其息恒一歲而子如其母故多并兼之家漢書地理
志曰沛楚之俗急疾顓已下蔡故沛也俗儉嗇飲食
衣服之靡少千金之子比屋可數皆鶉衣蔬食惟博
及訟往往傾產不顧能訐控於大府者里中人指引

以爲雄訟必歛錢於親族戚黨人亦不以爲怪黠者
因緣利而弄之矣其無賴子弟相聚飲博行則帶刀
劍結死黨爲俠遊輕死而易鬥無徒手搏者耕農之
家亦必畜刀畜鎗甚者畜火器故殺傷人之獄歲以
百數雖設厲禁不能止其故老曰自珠隆阿公爲廬
鳳道時值宿州教匪滋事僉丁壯爲鄉勇令家必畜
一刀一鎗植之門并遣冶工傳造之自是遂以爲習
也孔子曰北方之強衽金革死而不厭蓋其天性風
土成而不可變抑非教化所馴致歟地亦宜桑柘而
無飼蠶之家間種棉亦不知紡績絲布皆資之他邑

婦女常牽犢荷鋤與男子雜作富民多居積逐利而無豪商大賈穀之值不以豐凶爲準大抵兩暘調則驟賤稍不調則驟貴矣穀之深多南行若北行則貴緡錢鮮私惡羸雜較他邑爲良水道沿淮而達江河致迂折陸行自浦口而北者多山險無大車擔負而至率三千錢而致一石故百貨之集者少下蔡濱淮居正陽臨淮間舟楫之會也關隴北貿睢亳南賈瀋霍多馬牛驢騾硝鹽私販輒取道於此其民雜處又界蒙城阜陽俗益剽急而事末矣

戶口

民戶九萬七千一百七口三十五萬六千四百五十二
屯戶一千五百六十四口六千七百五十八
流戶六百零四口一千三百零九 此嘉慶十五年
報部之數舊志不載戶口無從比核

丁賦

額丁一萬一千二百三十三丁半縣自雍正十一年從壽州分設原額

戶口人丁一萬一千三百五十九丁半內除優免人丁一百二十六丁半實得此數原盛世滋生人丁

七十九丁半乾隆三十一年滋生人丁五十三
年滋生人丁六丁續於乾隆三十六年六月二十三

日欽奉 上諭嗣後五年人丁之例永行停止
其滋生人丁九十丁半欽遵康熙五十二年三月十

八日 恩 每丁徵銀二錢共徵銀二千二百四
詔永不加賦

十六兩七錢隨徵耗銀照則十科一欽遵雍正六年

題准丁隨田辦以廣 皇仁在成熟田地內攤徵

屯丁三百五十九丁

係歸併壽州鳳陽左鳳陽前鳳陽後懷遠五衛人丁

丁分

三則上則徵銀五錢中則三錢下則二錢隨徵耗銀

照則十科一計上則丁三十六中則丁一百四十一

下則丁一百八十二共徵人丁正銀九十六兩七錢

耗銀九兩六錢七分亦欽遵雍正六年題准丁隨田

辦於成熟田地內攤徵

壽州衛上則丁三十六鳳左衛上則丁

七中則丁十三下則丁七鳳前衛上則丁十二中則

丁五十一下則丁四十四鳳後衛上則丁五中則丁

三十三下則丁八十六懷遠衛上則

丁九中則丁三十三下則丁十九

謹案編查戶口以嚴保甲爲政之急務也鳳臺地
廣人稀其湖濱之地往往彌望四五里無聚落遂
至藏奸藪慝時時爲擾則保甲尤宜急講而行此
實有數難焉村落大者不過十餘家小者或一二
戶彼此相距或四五里奇零星散無從合并一家
爲匪則數家從風一村爲匪則數村染習蓋從惡
如崩波流之勢且爲匪必結黨善良遂無以自立
卽能自立亦不敢攖其鋒此由積習漸靡相糾相
坐之法不能一朝制也民性不戀土無業者輒流
散四出謂之趁荒或彌年累月不歸十室而三四

其外來者則又隨宜逐便營土屋附田塍爲居或
彌年累月不去不忍逐又不可編則派甲派總之
術又窮今

國家休養生息百有餘年仁溥義浹四達交通無
遠弗届生齒百倍於昔斯邑獨凋敝不可爲而生
齒不繁者豈不以流移者衆耶是以保聚教訓戒
遷徙詰姦慝尤不敢不兢兢竊欲并村落之最小
者使歸附近之大村落聯其什伍毋得擅徙外來
之戶不得於野僻處營結草庵棲止其僦屋久居
者隨時編冊登明原籍嚴其任保掖其良善其頑

梗者得卽誅之使愚民無與爲非良民日益畏法
則保甲庶幾可行然非上下一心撫循周密則恐
大爲繁擾利未見而先受其害嗚呼聖賢商治必
藉手於庶夫民土著則生齒繁矣安樂其處則民
土著矣田疇闢室屋完則安樂其處矣勤治生則
田疇闢室屋完矣知嚮善則勤治生矣明是非之
路則知嚮善矣除其害布其利以遂其生聚之樂
治本之道意者無以易此歟

田賦

定額成熟田地一萬五千七百二十八頃二十三畝

三分四釐

原額田地一萬六千一百五十頃六十一畝零內除拋荒未墾上中二則田地四百

二十頃三十八畝零實得此數

上田六頃三畝二分

中田七十六

頃一十畝一分五釐

每田一畝五分折上田一畝

折實上田五十

頃七十三畝四分三釐三毫五絲

下田二千二百

六十一頃六十四畝五分七釐五毫

每田二畝折上田一畝折

實上田一千一百三十頃八十二畝二分八釐七毫

五絲 共田二千三百四十三頃七十七畝九分二

釐五毫零折實上田一千一百八十七頃五十八畝

九分二釐一毫 上地四頃一十九畝一分 中地

二百八十一頃二十七畝一分七釐

每地一畝五分折上地一畝

折實上地一百八十七頃五十一畝四分四釐六毫

五絲 下地一萬三千九十八頃九十九畝一分四

釐每地二畝折上地一畝 折實上地六千五百四十九頃四十

九畝 分七釐二毫五絲 共地一萬三千三百八

十四頃四十五畝四分一釐零折實上地六千七百

四十一頃二十畝零一分一釐九毫 折實上田地

七千九百二十八頃七十九畝零四釐每畝科銀一

分八釐三毫二絲八忽九微五纖九沙九塵二埃五

渺四漠九逡七巡六溟一清內科起存折色等銀一分五釐二毫二絲六忽

零五纖七塵七埃零八漠八逡九巡六溟二清科攤帶人丁銀二釐八毫三絲三忽五微九纖七沙四

塵一埃七渺三漠三逡一巡一滇四清科攤帶匠

班銀二絲一忽零七纖五沙零九埃三渺六漠二

三巡三滇六清科漕項等銀二毫四絲八忽二微

三纖二沙六塵四埃三渺六漠五逡三巡四滇九清

其實徵銀一萬四千五百三十三兩四錢四分二釐

又折實土田一畝科贈銀八絲三忽七微八纖一

沙五塵三埃五渺三漠零八巡實徵銀九兩九錢四

分九釐通前共徵銀一萬四千五百四十三兩三錢

九分一釐按田額多此一畝則地當以一八三起科田當以一八四一三起科案

起存折色人丁匠班等銀解安徽布政司漕項銀解

江安糧道漕項內有本折蘆席銀一兩六錢八分二

釐船料旱脚銀十九兩三分四釐行月銀五十四兩

五錢七分四釐食鹽銀一百一十一兩三錢六分六

釐共一百八十六兩六錢四分一釐又有帶徵麥折

銀一十兩一錢六分六釐謂之淮倉銀亦解江安糧

道按淮倉銀實解十一兩四錢七分一釐計又有帶

徵蓆銀一錢六分三釐與贈銀俱解長淮衛二幫

每折實田一畝科米二合二勺一杪零二圭三粟四

粒一顆七類一黍三稷九糠二粃內科漕項米二合一勺二杪六撮四

圭五粟二粒三類三類二黍九稷四糠四粃科漕

贈米八杪三撮七圭八粟一粒八類二類八黍四稷

四糠共徵米二百六十二石四斗八升五合 每折

實地一畝科麥八勺二杪一撮六圭零二粒四類一

穎四黍六稷

內科起運麥四勺三抄六撮四圭九粟七粒四顆七穎六黍五稷

科漕項米

三勺八抄五撮一圭零四粒九顆三穎八黍一稷

共徵麥五百五十三石八

斗五升八合七勺

案起運麥二百九十四石二斗

五升一合係撥給壽春營兵其漕項麥二百五十九

石六斗零七合七勺每石折銀五錢共銀一百二十

九兩八錢零四釐謂之鳳倉麥亦解江安糧道今亦

科入折實地內徵銀並無此項本色應歸入錢糧項

下因舊志及檔卷俱如此分列故仍其舊

五衛成熟田地共二百九十二頃一十一畝四分四

釐四毫九絲四忽六微九纖七沙四塵三埃五渺七

漢 壽州衛成熟田地八十六頃五十三畝七分每

畝共科銀三分四釐五毫六絲七忽四微零九沙八

塵四埃零一漠內科軍器兵餉等銀二分四釐一毫

邊二巡二漠七清零三史科漕項銀鳳倉銀一分

零五毫五絲七忽零四纖二沙八塵三埃三漠七邊

七巡七漠二清九須七史共徵銀二百九十九兩一錢三分六釐

鳳陽左衛田地四頃六十畝五分三釐七毫每畝

共科銀七分五釐七毫四絲二忽二微四纖八塵二

埃一渺三漠二邊九巡內科軍器兵餉等銀三分四

五塵四埃七渺四漠二邊二巡二漠四清八須七史

科漕項鳳倉銀四分零七毫九絲二忽二微六纖

二塵七埃二渺九漠二邊六巡七漠五清一須三史共徵銀三十四兩八錢八

分二釐 鳳陽前衛肥田地六十畝三分二毫一絲

五忽八微七纖零二塵七埃共科銀六分七釐八毫

一絲六忽一微六纖七沙一塵九埃四渺三漠八逡

五巡內科軍器兵餉等銀三分三釐一毫一絲三忽

四清四須七吏科漕項鳳倉銀三分四釐六毫九

絲二忽三微五纖三沙一塵四渺八漠八逡七巡六

十頃七十五畝九分七釐三毫八絲一忽三微二纖

七沙二塵三埃五渺每畝共科銀四分二釐四毫五

絲一忽九微六纖七沙六塵九埃五渺七漠四逡八

巡四漠內科軍器兵餉等銀二分零七毫三絲五忽

四纖二沙一塵五埃八渺三漠二逡三巡八

滇二清二須二史科漕項鳳倉銀二分一釐七毫
一絲六忽九微二纖五沙五塵三埃七渺四漠二逡
四巡五滇七實徵銀三百四十二兩八錢四分一釐
清七須八史

鳳陽後衛田地九十一頃二十九畝三分五釐六

毫五絲五忽五微每畝共科銀八分三釐八毫九絲

五忽二微三纖八塵三埃四渺五漠三逡一巡五滇

內科軍器兵餉等銀四分七釐三絲五忽八微三纖
六沙八塵七埃八渺二漠三逡四巡五滇二清八須
七史科漕項鳳倉銀四分三釐一毫五絲九忽三
微九纖三沙九塵五埃六渺二漠九逡六巡九滇七

清一須三史實徵銀七百六十五兩九錢一分 懷遠衛

成熟田地二十三頃一十四畝五分七釐五毫四絲

二忽每畝共科銀八分六釐七毫五絲七忽五微八

纖九沙五塵一埃五渺三漠六遠二巡一溟

內科軍器兵餉

等銀四分二釐七毫五絲七忽六微二纖四沙八埃

銀四分三釐九毫九絲九微六纖五沙四塵

實徵銀

二百兩零八錢七釐 又順治八年奉文招撫開墾

田地五頃一十七畝每畝共科銀六分五毫三忽五

微一纖四沙二塵七漠二遠一巡七溟

內科軍器兵餉等銀二分

九釐八毫一絲八忽五微六纖五沙二塵八埃二渺

科漕項鳳倉

銀三分六毫八絲四忽九微四纖八沙九

實徵銀三

十一兩二錢八分 通共各衛田地每畝攤徵人丁

銀三釐三毫一絲三微四纖六沙三塵四埃四渺五

滇七邊六巡實徵銀九十六兩七錢 案衛賦大致
分四款一曰屯折卽軍器兵餉等銀共征銀九百七
十一兩三錢二曰屯丁征銀九十六兩七錢共銀九
百六十八兩解安徽布政司三曰漕項內分數款全
裁書識工食銀八兩一錢一分軍三小料銀二十六
兩三錢六分二釐又撥補軍三小料銀三兩五錢二
分八釐又不在各衛屯田款內軍三小料銀一十二
兩四錢二分八釐又南北兩幫運丁月糧銀一百六
十四兩三錢五分九釐共二百一十四兩六錢八分
七釐四曰鳳倉內亦分數款漕項支用夏秋屯糧折

色銀一百七十九兩一錢三分二釐漕項支用夏秋

本色麥二百九十四石七斗一升

每石折銀五錢

折銀一百

四十七兩三錢五分五釐本色米二百九十四石七

斗一升

每石折銀九錢

折銀二百六十五兩二錢四分共五

百九十一兩七錢二分七釐合漕項鳳倉共銀八百

零六兩四錢一分四釐解江安糧道 又每畝科津

貼銀一分實征銀二百六十八兩七錢四分五釐

乾隆

三十年因衛地多私售民間無以贍運量加津貼銀一分隨同衛糧征解以濟貧丁嘉慶八年山東巡撫和寧議籌款回贖運田經漕督吉綸等奏以另議更張諸多格碍請按各處情形酌量再加津銀衛議壽鳳等屯田每畝再加津貼一分經前縣袁淑以衛地所科已重於民地數倍勢難再加具覆議送寢

又帶額徵津貼銀二百六十八兩七錢四分五釐長淮

衛三四兩帮運田坐落壽州鳳臺霍邱三州縣乾隆四十年清屯案內加征津銀以爲旗丁造運之需向由衛備征收因各戶住居星散相率延欠經漕督毓奇題准自乾隆四十九年爲始改歸坐落州縣征解

額徵學田銀二兩二錢三分計田九十一畝每畝科

銀二分四釐五絲一忽舊志學田畢家店一分五十五畝朱新伯佃又一分十五

畝丁坤佃朱家集一分十八畝王學佃南關坊一分

十七畝六分係知州王心銘清查迷失學田斷價另

置之龍姓佃縣學與州學公管又社公廟一分六

十九畝葉美之佃張羅城一分一項零三畝史培玉

佃縣學與州學公解學租又學畦張役佃種六畝二

分六釐許純一佃種四畝三分二釐周余佃種八十

畦縣學與州學公管又吳從周佃種二百八十八

畦馬凌雲佃種二百一十畦縣學與州學公費

謹按田賦之勢外至鳳臺而極矣無魚鱗黃冊無

戶區細冊坐落無准四至無稽土有田地之分而田或變地地或變田不能分也田有三則之別而孰爲中則孰爲上則無從別也官徵其賦不能問所徵者何田之糧民完其糧不自知所完者何糧之額所以依檔冊原科折實田地每畝科一分八釐而贏而民間口號止云每畝頂分每畝頂分者云一畝定額銀一分也蓋下則之地二而折一每畝幾及一分上則中則爲數頗少民間止以下則取成數也一切推收大約以分爲率地旣寬廣地值又賤口號之地甚者加實丈之半又湖窪灘淺

向時荒壤漸或開犁往往地浮於額黠者因緣爲
奸於是有賣地而不過糧私向業主收銀謂之代
完又私置大弓大於官弓或六寸或一尺方言謂
弓爲梗於是賣田論價有官梗大梗之別而有糧
無業有業無糧業多糧少業少糧多紛紛計控矣
官無魚鱗冊所指地界漫無定準難於丈量上則
中則亦無依據科斷加以衛田衛地從中夾混不
可究詰治此之法惟有重釐地冊更正賦額庶可
望積弊滌除而質駑資薄能意之而不能行之是
以滋愧也

稅課

草場租并丈增銀十八兩九錢二釐 商稅銀二十

五兩六錢九分二釐

此二款歸地丁解

牛猪稅銀二十三

兩六錢

魚稅銀一十二兩

牙帖稅銀三十六兩

七錢

落地稅銀一兩一錢

典稅銀五兩 田房

稅銀儘征儘解無額

鹽引

額銷鹽引二千七百一十五引半付引一分四釐六

毫九絲零

額銷小引四千六百二十五引又新增加帶鹽四百零三引又新增加帶餘鹽四百

零三引通共

正帶綱鹽小引五千四百三十一引

硝額

歲辦硝三千二百斤例價銀每斤三分五釐包繩工

匠銀六釐

壽州舊辦硝八千斤分州六縣四辦硝三

交納自本城起程陸路用小車運至合肥計程一百
八十里每里每百斤運腳銀一釐又由水路至西河
口計程一百二十里過巢湖至巢縣二百里巢縣至
蕪湖關二百一十里入大江到安慶城三百六十里
共水路八百九十里計九站九分每
担每站照運腳之例六釐五毫一絲

額解

丁地正銀一萬二千四百兩六分一釐

除漕項襍款
坐支得此數

耗銀五百七十八兩一錢八分七釐

除漕項養
廉得此數 雜

款本色顏料銀一十六兩九錢一分四釐 折色顏

料銀三十二兩七錢三分三釐 白麻價銀九兩四錢一分九釐 白麻鋪墊銀一錢五分五釐 河工等款銀四百八十七兩三錢四分 各案裁扣銀六十二兩一錢四分六釐 燈夫工食銀六兩七錢七分八釐 看守察院老人工食銀三兩三分三釐 本府照磨俸銀五兩五錢一分三釐 本府稅課司俸銀三兩三錢八分九釐 驛站馬夫工料銀二十五兩二錢九分二釐 班匠銀一十六兩七錢一分 損腳銀六十一兩三錢五分四釐 武場供應銀一錢四分八釐 本府知府俸銀二十九兩六錢五

分四釐 本府同知俸銀一十二兩一分八釐 本
府通判俸銀一十六兩九錢三分九釐 本縣知縣
俸銀四十三兩五錢五分四釐 本府時憲書銀一
兩四錢一分二釐 本縣時憲書銀一兩四錢一分
二釐 本府歲貢考貢盤纏銀五兩三分九釐 本
縣歲貢考貢盤纏銀九兩二錢五分 本縣舉人會
試盤纏銀一兩八錢八分二釐 本縣鄉飲酒禮銀
二兩八錢二分四釐 以上二十四款共銀八百五十
四兩九錢零八釐俱在丁地正
銀內分別起解丁地漕項正銀三百二十七兩九錢一分六
釐耗銀三十三兩八錢三釐 內鳳倉麥折銀一百二
十九兩八錢四釐漕項

銀一百八十六兩六錢四分一釐淮倉
帶征麥折銀十一兩四錢七分一釐
贈銀九兩

九錢四分九釐
席銀一錢六分九釐

右民賦

惟漕項解江安糧道贈銀席銀解
長淮衛二幫餘俱解安藏布政司

衛丁地屯折正銀九百六十八兩耗銀九十八兩七

錢九分五釐

正銀開除門廩口糧耗銀
無開除故數稍浮於正銀

屯漕漕項

正銀二百一十四兩六錢九分耗銀二十一兩四錢

六分九釐
鳳倉銀五百九十一兩七錢二分八釐

耗銀五十九兩一錢七分三釐
長淮衛九一五折

實津貼銀七十九兩一錢八分一釐
鳳左衛九一

五折實津貼銀四兩二錢一分三釐
鳳前衛九一

五折實津貼銀七十四兩四錢四分七釐 鳳後衛
九一五折實津貼銀二十五兩九錢九釐 長淮衛
三四兩帮運津銀九十三兩五分二釐 糧道吏書
津貼紙張銀四錢六分八釐

右衛賦

惟屯折正耗銀解安徽布政司餘俱解江安糧道

解北漕糧正兌額米一百五十五石八斗五升二合
耗米四十六石七斗五升五合改兌額米三十九石
九斗四升一合耗米九石九斗八升五合漕贈米九
石九斗四升九合 共二百六十二石四斗八升二
合

右米

額給壽營兵月糧麥二百九十四石二斗五升一合

右麥

兵麥半耗銀七兩三錢五分六釐

右麥折

兵麥二百九十四石二斗五升一合計耗麥二十九石四斗二升五合一

勻以一半存留爲書役工食紙張倉庫等用其餘一半照時價變銀原折價每石五錢時價則有溢數照五錢一石之價解江寧布政司所餘溢價解安徽布政司

學租銀二兩二錢二分

無耗

右學租

雜辦銀二十五兩六錢九分二釐

卽商稅

耗銀二兩五

錢六分九釐 草場租正脚銀十八兩九錢二釐即場

租耗銀一兩八錢九分 牛猪稅銀二十三兩六錢

耗銀二兩三錢六分 魚稅銀十二兩耗銀一兩二

錢 牙帖稅銀三十六兩七錢耗銀三兩六錢七分

落地稅銀一兩耗銀一錢一分

右雜稅

商場租歸丁地核算實雜稅正銀七十三兩四錢耗銀七兩三錢四分

坐支

知縣俸銀四十三兩五錢五分四釐門子四名工食

銀十二兩皂隸十六名工食銀九十六兩馬快八名

工食銀一百三十四兩民壯四十二名工食銀一百

六十八兩三錢九分五釐看監禁卒八名工食銀四十八兩轎傘扇夫七名工食銀四十二兩庫子四名

工食銀二十四兩斗級四名工食銀二十四兩記餓

慶十九年旱饑鳳臺縣胥繆章唐元者以餓死元典茶給事于內余諗之唯唯默默無用人也章為役數年未嘗有大過公家之食不足以活妻子縣官貧不能卹也優之以事而已夫固知其凶年饑歲不免於死亡然食有常額地無常產雖欲救之將安救之而一切死法唯餓為最慘視禽獸猶可悲彼隱嘿不言以至於死將不忍蒙恥以求苟活耶夫今之給事縣役者人待之以不肖官視之為奴隸不齒於鄉黨不論於廉恥非孟子所謂失其本心者不為而食之尤薄安望其不為非哉故策鰥者狼狽而毒民與懦者竊威而競利與凡不肖之事皆甘為之亦所以救死也乃不忍焉而視其死者何如也鳳陽府教授俸銀十九兩五錢二分遇有空缺齋夫工食

銀十二兩副學齋夫工食銀十二兩 縣學訓導俸

銀四十兩 遇有空缺扣數解司 門斗一名工食銀七兩二錢齋

夫一名工食銀十二兩 典史俸銀三十兩五錢二

分 除荒俸實支銀三十兩五錢零七釐 門子一名工食銀六兩皂隸四

名工食銀二十四兩馬夫一名工食銀六兩 廩生

十二名廩糧銀四十八兩 遇有空缺扣數解司 舖兵工食銀

二百七十兩 孤貧八名口糧銀二十八兩八錢 每日

給銀一分小建照扣閏月照加 窰戶修理監倉銀二兩八錢二分

四釐 修堤銀五兩六錢四分八釐 驛站馬夫棚

廠槽鏹等銀一百八兩九錢三分六釐 每日支銀三錢二釐六毫

小建照扣
閏月照加

以上共銀

千

百

兩

錢

分

釐

本縣俸銀仍解司實坐支一千一百三十七兩
又闕曠巡檢司係裁永豐司

改設所有俸工銀兩該司在地丁正銀項下支銷
自向藩庫請領不入支數

知縣養廉銀八百兩典史養廉銀六十兩 以上共

銀八百六十兩在地丁耗銀項下支銷

門軍口糧銀十四兩六錢一釐厥軍口糧銀五兩三

錢五分三釐 共銀十九兩九錢五分四釐在衛賦

正銀項下支銷 縣承津貼飯食銀九錢九分三釐

在衛賦津貼項下支銷

捐攤

督院刑房核辦竊盜功過飯食銀二兩 撫院簡房
承辦舉貢丁憂飯食銀一兩二錢雜稅飯食銀二兩
四錢簡房飯食銀三兩七錢二分九釐 布政司戶
總科飯食銀六十四兩存留奏銷飯食銀六十兩戶
支科飯食銀二十兩課程科飯食銀二兩戶收科飯
食銀二兩河工書役飯食銀一兩三錢六分四釐承
發科飯食銀八兩刑書辦倉糧災賑飯食銀六十四
兩兵房飯食銀二十二兩耗羨奏考飯食銀二兩南
屯奏考飯食銀二兩兵糧書飯食銀二兩衛糧科飯
食銀二兩禮書核辦貢監飯食銀三兩二錢僧道飯

食銀一兩四職冊飯食銀三錢二分吏書履歷飯食銀八兩敬敷書院膏火銀四兩按察司刑房承辦囚遞醫藥奏銷銀二兩通緝歷年逃犯紙張銀三兩驛站科書吏紙張飯食銀一兩三錢二分理問廳秋審僱役銀六兩秋審茶湯銀每案三兩秋審賞犯銀每名一兩秋審飯食紙張銀每案一兩二錢本道到任新紅銀十四兩拜冬新紅銀十四兩報資銀三十三兩又加增二十兩本府到任新紅銀五十兩拜冬新紅銀五十兩淮南書院膏火銀五十五兩府書耗羨飯食銀二兩承辦囚遞口糧工食銀兩快

手工食銀 兩 錢軍牢夜役工食銀 兩 本府快手夜役

及首府府卒禁卒等本在縣三班工食內撥通緝匪給今三班工食自給不敷故俱歸縣官攤捐

犯攤府銀四錢二分八釐六毫 首府府卒工食銀

一兩二錢又加增銀三兩抽撥禁卒工食銀六兩二

錢協濟堆卡銀七兩三錢三分三釐熱審公費銀四

十兩 以上飯食膏火新紅等銀皆歲有常額秋審

惟公費僱役有常額餘則隨案增減皆有定數可較

者也又有奉憲飭捐之款隨時酌加其數或較常額

數倍以隨時變遷皆無定數故不列入

謹按捐攤非正款也而列入交兌與正款同條審

經出以資籌備亦豫事之急也又不肖書吏往往因新故相更上下勾結添改檔冊則繁費日益增矣尤宜明列欸項以杜其流

蠲賑

乾隆元年蠲免丁地銀九十七兩四錢八分四釐賑米一千五百三十七石六斗二升二合 四年蠲免丁地銀一千一百五十三兩六分 六年旱蠲免丁地銀四百九十五兩一錢一分賑銀二萬三千九百八十四兩六分零 七年水蠲免丁地銀一千五百兩一錢一分七釐又免屯折銀二百三十七兩二錢一

分五釐又免漕項銀一百八十五兩八錢一分一釐
賑銀十四萬四千三百兩七錢九分零賑米麥豆八
萬八百七十一石七升六合 八年旱蠲免丁地銀
六十九兩一錢五分七釐 九年蠲免丁地銀五十
六兩四錢九分四釐 十年水蠲免丁地銀一百六
兩三錢二分賑銀一萬三千五百九兩六錢八分五
釐賑麥豆四千九百三十一石七斗六升 十一年
水蠲免丁地銀二百九十九兩四錢五分九釐賑銀
一萬六千七十一兩四錢七分賑米八千三百三十
四石一斗六升五合 十二年全免丁地銀兩屯折

銀兩 十四年水蠲免丁地銀二百二十五兩二錢二分一釐賑銀七千二百五十一兩九錢二分五釐賑米二百一十一石二斗 十五年水蠲免丁地銀一百七十七兩四分四釐又蠲免十三年以前耗銀十分之六共免銀一百六十八兩八分又蠲免十年十一年屯折銀一千三十一兩九錢二分三釐賑銀八千九百五兩八錢八分二釐賑米四千五百九十八石五斗五升七合 十八年水蠲免丁地銀二百八十一兩六錢七分二釐賑銀二萬三千七百九十二兩三錢三分 十九年蠲免丁地銀四十兩三錢

二釐 二十年大水蠲免丁地銀九百四兩四錢六分四釐賑銀十萬二千七百五十三兩五錢六分二釐賑米一萬七千四百七十三石一斗四升五合

二十一年蠲免丁地銀三十二兩二錢九分四釐

二十二年水蠲免丁地銀九百八十七兩七錢三分六釐又蠲免十年以前耗銀十分之四共免銀四千四十兩三錢一分又蠲免十八十九二十二等年屯折銀一千九百五十九兩七錢四分三釐賑銀十一萬四百一十七兩二錢八釐賑米五千七百七十六石五斗六升 二十五年蠲免丁地銀四十二

兩九錢五分二釐 二十六年水蠲免丁地銀九十
八兩三釐賑銀六千六百四十八兩五錢七分二
十七年蠲免二十二十五年屯折銀五百九十一
兩四釐 三十年蠲免十八二十二等年漕銀
二百四兩四錢一分六釐 三十二年水蠲免丁地
銀七百三十一兩七錢六分賑銀八千二百六十五
兩八錢九分 三十五年全免丁地銀兩又輪年全
免漕糧 三十八年水蠲免丁地銀二千六百八十
兩九錢八分屯折銀四百三十四兩九錢二分四釐
麥四十八石四斗八升二合五勺賑銀二萬三千二

百五十四兩三錢五釐米二千八十三石六斗五升
加賑銀一萬三百八十五兩二錢五分 四十三年
輪年全免丁地屯折銀兩是年被水蠲免屯漕銀一
百二十三兩三錢五分九釐賑銀一萬二千九百六
十六兩七錢八分二釐五毫加賑銀八千四百二十
五兩七釐五毫 四十四年水蠲免丁地銀八百二
十兩四錢三分七釐屯折銀一百七十二兩二錢四
分麥十三石八斗六升六合賑銀八千二百十七兩
五錢八分二釐五毫 四十五年水蠲免丁地銀五
百四十四兩二錢五分九釐屯折銀八十六兩六錢

五分二釐麥九石五斗六升三合九勺 四十六年

水蠲免丁地銀五百四十八兩七錢九分二釐屯折

銀八十六兩三錢一釐 四十七年水蠲免丁地銀

四千二百九十六兩五錢七分一釐屯折銀一千十

六兩七錢八釐麥七十九石二斗四升二合八勺漕

米一百二十石九斗六升一合八勺賑銀三萬八千

四百二十兩九錢六分五釐加賑銀二萬二千七百

十八兩六錢二分五釐 四十九年蠲免四十三四

十四四十五四十六四十七等年舊欠丁地屯漕銀

米

共銀二萬六千七百四十五兩九錢六分五釐米四百四十七石七斗三升三合七勺

五

十年輪年全免漕米是年旱蠲免丁地銀一千七百
十九兩一錢九分二釐屯折銀一百五十八兩一錢
麥三十五石一升八合五勺賑銀二萬九千八百六
十六兩七錢八分二釐五毫 五十一年水蠲免銀
四千四百九十七兩五分九釐屯折銀一千十七兩
一分漕米一百十二石一斗一升六合三勺賑銀四
萬五千四百七十九兩四錢五分五釐加賑銀一萬
九十六百二兩九錢 五十六年輪年全免丁地屯
折銀兩 六十年輪年全免漕米又蠲免五十五十
一五十二五十三五十五五十七五十八五十九等

年舊欠丁地屯漕銀米

共銀七萬一千三百五十七兩九錢六分三釐米七百一

十一石五斗一升三合九勺

嘉慶三年輪年全免丁地屯漕銀

兩 六年蠲免乾隆六十年民欠丁地屯漕銀兩

地

一千六百九十四兩六分四釐 屯 清一百二十七兩四錢九分六釐

七年旱蠲免

銀三千四百三十二兩七分六釐屯折銀三百四十

兩四錢四分八釐麥六十六石九斗九升三合六勺

米七十一石八斗四升六勺賑銀九千九百二十三

兩 八年旱蠲免丁地銀一千三百八十九兩六錢

七分二釐屯折銀一百六十七兩二錢一分三釐麥

二十七石五斗九升五合四勺米二十六石六斗六

升一合六勺 十年旱賞給口糧銀二萬九千九百八十七兩八錢五分次春加賞二萬七千六百九十七兩一錢七分五釐 十二年水賞給口糧銀二萬二千六百五十七兩二錢七分五釐次春加賞二萬二千五百七十六兩六錢五分 十六年旱賞給口糧銀一萬八千二百三十七兩九錢七分五釐 十八年旱賞給口糧銀一萬四千九百二十七兩二錢四分二釐五毫

謹按自乾隆元年至二十年全蠲丁地銀一次因水旱蠲免丁屯銀六千五百三十四兩一錢有奇

賑銀三十四萬九千一百六十九兩七錢有奇賑
米麥豆十一萬七千九百五十七石五斗二升有
奇自乾隆二十一年至四十年全蠲丁屯銀一次
全蠲漕米一次因水旱蠲免丁屯銀一萬一千八
百三兩七錢有奇蠲免麥糧四十八石四斗八升
有奇賑銀十五萬八千九百七十一兩二錢有奇
賑米七千八百六十石二斗一升有奇自乾隆四
十一年至六十年全蠲丁屯銀二次全蠲漕米二
次蠲免積欠二次共銀九萬八千一百三兩九錢
有奇米一千一百六十三石二斗四升有奇因水

旱蠲免丁屯銀一萬五千八十六兩五錢有奇蠲免米麥一千七百七石六斗九升有奇賑銀十八萬五千六百九十八兩一錢有奇

今上御極十九年中全蠲丁屯銀一次蠲免民欠丁屯銀一次共銀一千八百二十一兩五錢有奇因水旱蠲免丁屯銀五千三百二十九兩六錢有奇蠲免米麥一百九十三石九升有奇賑銀十九萬二千一百兩有奇蓋承平日久地無曠土民無惰遊仰給於上者少亦量入爲出節以制度法積久而益密糜耗之弊絕也通計縣歲輸正供爲銀一

萬五千三百兩有奇爲米二百五十六石有奇積
六十年銀不過九十七萬八千兩米不過一萬五
千三百六十石今計乾隆六十年中蠲免銀十九
萬八千兩有奇米麥三千九百四十六石有奇又
發賑銀六十九萬三千八百三十八兩有奇賑米
麥十二萬五千八百十七石有奇猗歟盛哉
賜予之數溢於輸賦深仁厚澤浹於羣生矣

鳳臺縣志卷三

賜進士出身翰林院庶吉士鳳臺縣知縣兼理壽州事李允洛纂

營建志

壽州城其板築之始不可考矣舊州志云宋嘉定間

許都統重修

宏簡錄嘉定十二年正月建康都統許俊却金兵于安豐軍城蓋是時所築

周十三里有奇高二丈五尺廣二丈城外東南爲濠

寬二十餘丈北環東肥西連西湖

舊志云壽春城舊在八公山之陽淮

水東南五里許周顯德中徙至淮北宋熙寧間復故處按今城距淮十里傍淝之南所謂八公山陽淮水

東南五里許者當是舊魏昌城其南唐壽州城當卽

今城處觀周世宗攻取之蹟可知也舊志以八公山

陽之魏昌城當壽州舊城又云熙寧間復故處俱淆

混周遷治下蔡時故城大抵毀壞今城或是熙寧間

營建

鳳臺縣志

卷三

所重東門曰賓陽南門曰通肥西門曰定湖北門曰

清淮明永樂宣德正統正德嘉靖及國朝順治間

迭修之具州志明太宗實錄永樂七年六月乙丑鳳陽府壽州言淮水決州請以時修築

又宣宗實錄宣德七年八月己丑直隸壽州衛奏近

城西有湖與淮相通比雨潦暴漲壞城二百餘丈乞

發附近軍民修理從之又英宗實錄正統元年十二

月癸亥直隸壽州衛奏七月間淮水泛漲壞西北城

垣請修治從之○羅綱壽州衛重修城櫓記畧曰壽

陽東連三吳南引荆汝外有江湖之阻內保淮淝之

固春秋以來沿革不一太祖高皇帝龍飛淮甸天下

一家乃設安豐守禦千戶所於斯洪武庚申改立爲

壽州衛設官分職統御五所於是城池高深金湯鞏

固禦奸侮而保障軍民也永樂己丑淮水泛漲淝河

淤塞諸水成湖連年爲西北城垣之害隨修隨毀曾

無虛歲正統丁巳夏五月初旬陰雨連綿三旬不止

淮淝貫通硤石之口迫窄奔流不徹遂將四門閉塞

搬運土木以遏水患雉堞不沒者僅三尺許盡雅騷

然驚悸揮使劉侯急調遞運船隻及拘客商舟艦老
弱者濟之於淮水之麓少壯者移處東南城垣之高
阜人民得安繼而六月朔日西北風大作巨浪衝擊
城垣坍塌七百九十八丈泊岸六千六百五十餘尺
樓櫓木石一時蕩盡淫雨既久官廳廩宇營房等類
十壞八九屯鄉軍民廬舍傾圮無算侯一一具奏蒙
聖恩命大臣撫安賑濟其坍塌損毀城櫓令待豐年
農隙之時修理侯以才幹見舉專管軍政既奉命親
董其事正統己未歲時頗收冬十月量調屯守軍餘
分爲兩班遞相輪換用工春初卽止庶幾公私有益
至正統壬戌春告成侯名通字宗海鳳陽懷遠人將
門之胄德量汪洋嘗從容謂衆曰完斯城也吾分內
之事分工責限指日而就由麾下官校匠作諸人體
吾心遵上令勞而無倦也其不伐如此正統七年王
戊季夏月昭勇將軍祁清首領從仕郎王政等立今
碑在城西門○方震孺增修北城碑記壽春爲中都
支邑西控荆楚北負彭城南阻吳會蓋重地也城西
北一隅獨處其庫每入夏霖淫怒濤齧趾觀察郡大
夫雖稍增爲護堤堤就而城之勢反殺頃賊犯鄒滕
楚沛戒嚴我民亦岌岌不安廉使魏公登城環視晉

瀛海王使君西陵黃學博曰城庫且薄土惡善潰冠
從北方來如押犢何縉紳氓隸皆曰增築之便會王
使君謝事去監郡李公攝篆晨夕拮据採石於山聚
士於濠課隙力于里甲悉償以肺石之美屬判官葉
君董其事經始於癸亥之春四月而成高五赤而贏
長千二百五十赤而贏問記於方子震孺方子曰人
情見已然不見未然狃於治安未覩其利害一旦有
不測勢悉其玉帛子女以餒寇駢肩俟斃其爲計亦
甚左矣城高且堅而水不得浸寇不得薄以爲中都
藩屏則是舉也寧直一手一足之烈哉李公名來鳳
大足人相之者州司馬昂君名取義南樂人葉君名
秀枝壽昌人董其役又分俸助其乏州幕王君名正
芳束鹿人衛幕王君名蘇會稽人僦工採石終始其
事者省祭官張之敬任尚德凡開梁造堡堤窄建館
之類無不藉其力而是役其尤著者例得附書右所
修城皆今縣轄地州志未載故附著之今碑在城樓
縣之析也城以內分治東北隅東門以門左扇屬縣
歷城之東北至北門以西城垣七百一十三丈知縣

吉祿沈丕欽相繼修葺乾隆二十年吉祿領帑二萬三千一百餘兩與壽州合

修東門臺基城樓甕圈分修縣界城垣土城坡岸北

門城樓甕圈并添建橋洞二十八年沈丕欽用樂輸

銀三千一百七十餘兩修城垣坡岸二十九年又用

樂輸銀六百三十餘兩添修石橋崩裂墻根又用存

利樂輸銀二百二十餘兩捐養廉嘉慶十二年署知

州靳天培知縣吳層雲又重修北門城樓題之曰靖

淮樓新天培重修北門城樓記壽城雄據全淮當南

也承平日久民生恬嬉樓或廢墜乾隆丁丑癸未間

州牧關中劉公暨署牧沈徐二公相繼修築嘉慶三

年州之紳士又捐葺東西南三門而北門未修丁卯

夏余奉檄來攝州篆周視城垣見此樓傾圯將盡慨

然欲修之逾年紳士孫克任孫克仝張志儀裴克念

各願輸資其襄厥工以八月念七日興工八閱月而

竣重簷垂翼高棟入雲因登樓會衆賢以落之南望

芍陂西瞻長淮八公紫金諸山橫秀東北洵足以總

全淮之勝極崇隆之觀矣衆賓咸曰是不可以不記
董事謝鍾浩劉爲鯤張靜姚之鏞孫克儀張履清方
肇源張芸終始經營例得並書若夫隨時補葺不致
廢墜尚有望於後之賢者嘉慶十四年五月碑在北
門

護城坡岸明御史楊瞻知州錢雍熙創築

舊志嘉靖十七年御

史楊瞻率知州錢雍熙州同吳邦相指
揮張官劉慶佑創建護城禦水石岸

縣所分自東

門橋北起至北門橋西止長七百一十三丈乾隆二
十年五十二年續修整嘉慶十四年又領帑六千
六百五十二兩三錢四分拆修一百七十餘丈拘抵
五百四十餘丈

縣之初分也將修下蔡城而治之其鄉人或欲城

顧家橋爭之不決上亦以其工鉅難之遂輟焉夫以西北地遼闊故分縣分縣而治仍不移則其于遼遠仍不屬也其民居寥落易于蔽匿道路四通無津關之稽民喬而野動生鬪狠非就近督懾時時出入爲拊循以察詰往來安勉良善則訟獄滋而奸宄積又與壽州同城而居地之南北異土之肥瘠異民之苦樂異習之囂靜異吏胥之強懦異官用之饒乏異時時相耀相軋則動有掣曳而爲之益難下蔡濱淮而治爲水陸要阨自魏晉以來爲名城明時并省本非策也城址尚存而破壞已

加三
甚若論西北境道里四距則顧家橋最爲適中又
爲蒙亳潁壽交地地形高阜帶夏肥以爲固雖地
勢不爲雄闊然三里之城七里之郭亦足以容之
特無基址可因板築不易集耳

右城池

縣署在東門內北紫金坊前明東察院遺址也

明楊瞻東

察院記前門三間中門三間前簷右方有一井旁左
右各小門一間東序九間上三間中三間爲寫本房
下三間爲祇候房西序如之正堂五間穿堂五間寢
堂五間穿堂東序六間西序亦如之寢堂西書房三
間亦乾隆五年知縣周之晉請帑營建周之晉縣
南向乾隆五年知縣周之晉請帑營建周之晉縣
地遼闊難獨理雍正癸丑始分設鳳臺治而余蒞茲
土暫僦民房卑淺湫隘僅容旋馬聽政八年幸無壅

帝然官必有署體統攸關督撫二憲題請頒發一帑
金三千四百兩有奇擇於兵巡舊址建造衙署一所
並典史吏胥監庫等處共一百一十七間書齋別院
原冊未列勢難請益復捐養廉三百餘金添葺瓦房
一十三間起於乾隆四年九月竣于五年十月踴躍
赴工忘勞忘怨余不自意庶民子來若此而聖
天子珍惜民力之意之深入人心益可見矣余自下
車以來利弊之興除忠薄之從革曾無所整理區區
營繕之勞詎足以言史蹟哉既勤垣墉舊志載照壁
維塗暨茨端有望於後之居此者矣

一座圍墻一百丈大門三間東側旌善亭圯西側申

明亭圯儀門三間東西角門二間大堂五間書吏房

一二間皂隸房六間圯庫房六間宅門三間二堂三

間客座三間幕賓房五間書房三間上房五間廂房

六間耳房二間後房五間廚房三間下房十二間馬

房三間

地

土地祠一間在署東側三十五年知縣亢

愍詳請捐廉修葺嘉慶十五年復增修之改造客座

三間書室三間添造簽押房兩間廊厦七間西廂房

四間後廊四間大堂左書吏房三間

新修縣署記嘉慶十三年予始

受事鳳臺環視廨舍悉傾圯壞廢冗未暇理也十五年二月以狀請於藩司願借款葺治而歲捐令之養廉分十年之積以償庫報可以六月經始九月竣事估工用白金千四百兩有奇迄功之成也實用鏹二千兩而贏焉官舍如傳舍自古慨之而縣治爲甚抑於鳳臺尤甚之甚令非能長子養孫也數歲率一遷耳去之易故不甚惜簿書猥煩既無遺心餘力以經營其居計令之當出積一歲廉俸不足以支一月復節縮而營其居是重累也鳳臺之治倍劇於他邑斷死罪以十數吏民疲而斃法日斷斷於庭一不當則訐告長吏催書火急費用無等得官者輒朝聞報而夕欲更之矣故曰甚之甚夫示民之道先之以整肅

敗氣日積凌夷無等威則恭敬之心不生矣况重之以畏蒞却退頊然若不敢望望然若不屑則民之偷而玩野鄙而妄自弃果孰使其然也哉粗記歲月列其工費欲後來者有所循也知縣事武進李兆洛記
土地祠一間儀門外東

典史署附縣署東照壁一座大門一間大堂三間二堂三間上房三間書房三間廚房三間下房三間書吏房三間皂快房二間馬房一間

訓導署在學宮前明制州學學正一員訓導二員署在學宮內西南後廢 國朝設學正一員訓導一員分縣後以訓導領縣學別賃屋以居乾隆二十三年知縣鄭基始倡捐購民居爲訓導署門庭堂室羣房

俱備乾隆三十二年知縣沈丕欽重修嘉慶十九年

邑紳孫氏又捐貲重修

重修學署記雍正十一年分壽州置鳳臺縣因其故學復

設訓導爲鳳臺縣儒學訓導其廨舍舊在學宮西南隅與學正署並蓋自康熙三年裁減教職其署亦廢十六年復設訓導爲書吏不肖不能正其基址乃別構室於學宮之左數十步隘巷中卽今之居是矣夫官有守禮有宜官得其守謂之序禮得其宜謂之義故師儒之室附于學宮之內宜也嘉慶十七年州人孫氏修學宮旣迄以屋宇穿漏殆不可居撤而新之凡用泉若干工若干輒贊木料共若干始某月日落成某月日適江陰莊君來爲學官招生徒朝夕講藝其中斷斷焉孳孳焉吟誦之聲旣盈耳矣尚安知其

在隘巷耶後之人卽是爲守之其亦可矣因刻其房屋基址于石李兆洛記

壽春總兵署在縣境東大街前明大察院故址後劉良佐爲廣昌伯開藩居之 國朝設副將以爲署乾

隆二年改設總兵爲總鎮府

中營遊擊署在東大街乾隆二年建右營遊擊署在大寺巷西乾隆二年建中營千總署在道拐北中營把總署在黃家巷其中營守備千總把總署在州境

具州志

明大察院今爲總兵署東察院在大察院東北後爲兵備道署今爲縣署又有小察院在大察院東後改爲淮肥書院按察行臺在東察院西關鈔廳署理刑廳署在大察院東俱久廢

右官署

監獄一所附縣署西獄神堂三間獄東向三間北向三間火舍三間禁卒房三間門一間嘉慶十六年領帑銀九百四十九兩一錢四分二釐重修周築圍牆

二百四十丈皆高一丈五尺下廣二尺上廣一尺修

屋十五楹

工既竣會奉各工停緩之旨此銀歸入
攤捐計實報銷銀一千三百十七兩有奇

右監獄

廣嗣宮營房三間箭道巷營房三間官井巷營房三
間三聖庵營房三間縣署後營房三間紫城街營房
三間北門內營房三間皆在城內石頭埠營房三間
縣東北二十五里陳家岡營房三間縣東五十里下
蔡營房四間官廳三間縣北三十里界溝集營房三
間縣北九十里縣屬原設下蔡汎界溝集石頭埠紫
順街北門內署後六汎營房乾隆五
十四年詳修銀五百七十八兩九錢六釐劉巴集營
房乾隆五十年添設詳修工料銀一百八兩九錢四

分九釐嘉慶十六年十二月領修七汛營房工料銀
七百四十九兩一錢七分三釐廣嗣宮箭道巷陳家
岡五汛營房乾隆五十六年詳修領工料銀四百八
十三兩五錢二分四釐嘉慶十六年詳修工料銀四
百八十九兩三錢三分八釐

總舖縣署前山荒舖縣東十里鴨背舖縣東二十里
三山舖縣東三十里安頭舖縣東四十里石馬店舖
縣北十五里下蔡舖縣北三十里柳溝舖縣北五十
里丁家舖縣北七十里

右汛舖

常平倉在縣署西北倉廩六十一間社倉一在下蔡
倉四間一在蘆溝集倉三間

右倉廩

循理書院在縣署後大寺巷西明天啟二年學正黃
奇士建書樓五間左右廂房各三間東旁靜室六間
講堂五間大門三間黃奇士循理書院銘曰修德講
學聖訓昭然立之書院樂育英
賢若有不類改爲蓮傳侵利毀正學脉遂湮天之所
狀神弗庇焉請視斯銘以永萬年州人謝一鳴創
建循理書院記畧云書院之建凡以補學校之闕而
輔其不逮也黃夫子秉鐸壽春下車之日進諸弟子
詢之曰爾多士亦聞聖人之學乎今日之學問異日
之經濟也非特建書屋以朝夕辨難於其間雖欲進
德修業厥道無由諸弟子聞其說爰各出貲購高姓
市房一所重修而廣大之師爲區其日口循理蓋欲
使遊其中者日持循于天理之內而漸臻自然也參
訂會期爲朔二望六郡鄉紳上彤彤成集師爲闡明
良知之學莫不虛往實歸越五年師陞禮部司務去
弟子沐師教深爲記其顛末以永斯院于不朽云師

名奇士字守拙湖廣黃陂人由孝廉署壽學正事施金獨多者為郡庠方之珍得並書天啟四

年壽穎兵脩道魏士前捐俸置田六頃二十畝鄒元

理書院置田記畧曰余讀白鹿書院置田諸規則而

知書院之不可無田也書院者儒學之離宮別墅也

而書院與學宮有異書院非朝廷之額設無動支之

緒錢浸久而圯誰為葺治請業之士伊唔討論其中

獲殮無策易成離索是非置田莫為功也壽春方生

震仲劉生復生過余問學持黃博士書來言壽近創

書院兵憲華山魏公捐俸成之復于去任時罄俸請

于大中丞置田六百二十畝俾書院得以永久願先

生紀之余聳然而喜願後之主是書院者其推廣魏

公之心而永之于無窮也公諱士前號華山湖廣景

陵人萬歷庚明末廢國朝乾隆二年知縣周之晉

戊科進士始復之十九年知縣吉祿重建講堂二十九年知縣

沈丕欽重建大門及廂房後樓

知州席芭記曰循理書院者前明州學正

黃公奇士之所建也按州志奇士以天啟二年建是書院集多士絃誦其中四年兵脩道魏公士前捐俸銀買田六百二十畝以供諸生膏火二公樂育人材成此盛舉宜其百世而未艾也乃崇正季年師生苦于兵革學舍榛蕪遂爲浮屠氏所據官斯土者始則知其故而憚於更張久且狃于近而昧其本始雍正十一年分州設縣田隸州籍屋入縣境乾隆二年知縣周之晉始逐僧人追田二百二十畝復還書院聚徒講學延明經秦怡張鵬翥朱幾相繼爲之師厥後司訓兼課居其廬食其租不數年而屋舍傾頽殆盡顧碑碣猶留遺制可考十九年知縣鍾旭慨然有興復之志建講堂五間二十八年知縣鍾旭慨然有興復之志謀之司訓程廷贊仍以田租歸書院又會同知州徐延琳清出原田四百畝並交紳士掌管積其租爲修復之資二十九年知縣沈丕欽重建大門三間左右廂房各三間三十年芭奉命知壽州念書院爲州縣公事誼當分任因偕沈君捐俸爲倡紳士亦俱樂輸恐後重建後樓五間前所建門堂兩廂悉加丹雘並爲治其庖湏器具書院規模於是粗就繼又勸諭州縣紳士捐錢七百六十千益以本年所入租息百千

合計千金給商生息加以每歲田租所入足敷師生
修膳之費於是延請名師遴選生徒使受業焉而書
院乃成矣夫是院之初建也不二十年而廢為僧舍
歷九十餘年而後復之又三十年而後成之天下已
成之事廢之易而復之難如此且其中尤有難者一
州一縣兩人之主之且與兩境之紳士共圖之萬一
見參差互相齟齬往往有垂成而忽敗者今余與沈
君居同鄉仕同城桑梓寅恭如一人耳而紳士之生
長兩境者讀書則師友相勗應試則籍貫相通問此
義舉則捐輸相勸故事雖難而成之易也後之學於
此者尚體前人創建後人與復之意俛焉日有孳孳
上之則以聖賢待其身而不泥于俗學次之則以功
名勵其志而不安于小成優而游之饜而飲之去堅
僻之習為宏道之儒是則余與沈君之所厚望也是
役也前後襄事者有紳士李方華方仙根方汝梅姚
音韶謝均育趙佳寓王帖方詔張志嶽等例得並書
云乾隆三十二年三月三十二年知州張肇揚知縣
朔知壽州事席芑記

亢憊復增置田畝捐輸錢緡為經久計

知州張佩芳
記畧曰黃公

既建書院魏公割俸置田六頃二十畝以資膏火書院既廢田爲僧有周君既復書院并歸其田之在僧者二頃二十畝乾隆二十八年州牧徐君廷琳邑令鍾君旭復歸其田之在民者四百畝田租出入擇紳士有行義者使籍計之而魏公所捐置之田于是具足三十二年署州牧張肇揚置田二頃八十六畝三十四年邑令亢君愔置田一百七畝三十六年梁家庵尼訟田久不決歸其田於書院五十畝凡田十頃六十六畝又州縣捐輸之錢一千四百餘緡俾商爲之出息而紳士籍計如故聞山梁先生曰有候補牧某署縣事寄其家屬于書院其子夜夢我冠長襦者曰始吾置是何爲汗我明夜復夢如前其子異之視臥榻及廚竈諸處無所得已而掘其廁得木像一軀試視之黃公像也像高二尺餘木理堅重今祀樓東靜室中梁先生亳州人名熾壬午舉人以善書名今爲書院院長

右書院

淮河渡口自黃家壩淮入縣境有魯家口渡

城西四十里

黃天澗渡

城西三十里

朱家渡

城西二十五里

喬家渡

城西二十五里

方

家坂渡

城西二十里

賀家淺渡

城西十六里

河口上渡

城西十里

河口下渡

城西十里

過硤石而東則有魏家渡

城北三十里

下蔡渡

城北三十里

黑龍潭渡

城北三十里

楊家渡

城北三十里

許

家店渡

城東北三十里

白龍潭渡

城東北三十里

平家渡

城東北二十五里

二

石頭埠渡

城東二十五里

遙家溝渡

城東三十里

劉家渡

城東四十里

又東則懷遠境矣下蔡渡爲往來津要古時下蔡浮

橋處也河口下渡石頭埠渡亦走集所趨餘多土人

泛小艇便田作耳跨東肥之橋曰東津橋卽古肥橋

也舊亦名東津渡橋與州共

城東五里橋舊損壞乾隆三十五年州人鄭文

穎捐銀一千一百四兩重修後有孫氏復加修治孫
蟠重修東門東津二橋碑記乾隆七年州牧孔公縣
尹鹿公捐俸募修東門橋蟠父某承命監辦卽補修
東頭橋一孔後以費用不敷而止三十四五年邑紳
鄭純捐修西頭橋一孔橋牆二十餘丈迨四十一二
年水屢漫橋墻傾塌時蟠父年已八十餘因諭蟠兄
謙及蟠竭力補修並重修東津橋以完夙志五十五
六年東津橋西第二孔塌陷過半支木而行蟠與姪
任稟州縣捐貲重修五十九年九月初動工補修東
門橋以東津橋工鉅更募永城匠二十餘人同壽匠
三十餘人一時同工至明年二月物料始備乃開越
河引水由東浮橋日西轉歸河橋南北築壩斷流甫
作而水大至九月水涸乃復集匠興工車水露底見
橋腿六座俱端正堅固未便更換惟石之缺者補之
損者易之五十九年二月中旬五橋告成東橋牆
加高四五尺五六尺不等其兩橋面俱碎石平鋪
用石不可勝數而運石屬農晴則運雨則止農閒運
農忙止故自五十年秋末鋪石至嘉慶元年三月始
訖功更於東津橋兩頭各設關門西南添築長隄一
道是役也功非素習又無前人工程碑碣可稽惟同

事悉心籌酌訪諸里老商之工匠連年秋冬晴煖畧未誤工在工辦事匠作民夫不下數千百人悉平安無恙蟠任得完父祖之志實深幸也謹將二橋新舊高長寬尺丈工作物料費用始卒年月備細勒石倘年深橋壞後之人重修者庶章北門橋清淮門外明程俱在可資考云碑在橋側北門橋李元實重修北門橋碑記畧云壽州清淮門外有橋正統間草創嘉靖乙酉濟南劉公更以石資其五萬歷戊戌兵備道衢州詹公捐俸二百金倡修百姓繼屬鳩工募役經始于正月越明年三月而工成起南跨北長數百餘丈廣三丈表裏皆石復廓二洞以殺水勢洞各用石贅其底崇隆堅固爲計深遠矣碑在橋側張曉建北門橋記壽固江郡也地勢自南而下故南麓之水皆趨於肥而走城下左爲東津右爲西湖踰湖數里合流於淮淮水逶迤千里凡汝潁光六之水支附而東者皆歸之承流既廣匯爲巨浸統灌硤石斷崖壁立中僅百武砥注而下隘絕險甚一有霖潦水懸數丈濤洄湍激倒灌於肥故城門之水常彌望於北山矣行旅出此舟濟者衆覆溺之患不免正統後守土諸公圖橋之然皆草創嘉靖乙酉濟南劉公始增

築四百餘丈，斃以石沉巨砥，以殺奔衝之勢。爲洞者，五梁石者三，梁木者二。太史杏東公有記。閩中王公，因益治之，別其巨洞，俱梁以欄表附焉。其制益備，題曰淮南第一橋。頻年洪水，南徙水失故道，而橋無恙。已酉夏，傳言霍山蛟出水，忽暴溢，流沫百里，浮苴如山。洞不能容，棲疊顛厓，維時風雷震剝，怒浪驚濤，若有神物泊沒，簸蕩橋乃大壞。津人駭報，郡伯栗公促駕往視，乃慨然曰：「爾衆勿恐，事在我矣。」旣秋，高水涸，乃謂別駕蔡公曰：「時可矣。」爰召耆民馬良、牛大、用李銓、陳舟、馬玉、王瀛、隗遷等督畫工役。於是訓工飭具，采石於山，鍛灰於冶，徵役于市，以逮游食，凡三閱月，橋成如昔，堅厚踰之。於是行旅者安焉，衆乃謁余曰：「北門之役，工鉅而費不侈，事集而民弗擾，非有經世濟川之具，曷以及此？某等履茲厚藉，將監石中流，迹方砥柱，敢請鏤言庶其來者有所歆望。橋可世世不圯也。」余曰：「然第如子言，猶淺矣。盍觀其深乎？唯公之來也，其最大者如芍陂之築，黉校之修，訟獄之簡，庸調之平，處物各得其所，用人各盡其能，一水之平，曷足以盡度哉？余嘗讀程伯子之書曰：『天下之士須才與誠，合一方能有濟才而不誠，雖有功業，亦出於浮。』」

氣幾何時而不盡耶故執是以求公則其建立之本
固有由焉爾若等異日無忘於公者將不在茲乎於
是衆皆曰有是哉請書之以樹厥聲云此記見舊志
碑未見新修北門橋碑記嘉慶十一年五月初三
日鳳臺縣監生張志儀以狀謁于縣曰城之北門外
舊有大橋自明以來屢屢修葺久輒圯壞爲行旅病
志儀願自率其族出貲修之前已得請以去年二月
興工今年三月工竣計石木工匠人夫之費爲緡錢
三千一百九十一千有奇謹上簿賑求鈞考具案知
縣事吳層雲嘉之將上其狀於大府未及而去官夫
成梁除道政之急也與舊舉壞善之績也是橋之成
也久經一修葺則勒一石昔之人非以爲誇示而已
將使或造或因相繼續於勿替焉故爲刊碑附於劉
詹王栗諸君之後嘉慶十七年九月日李兆洛記碑
立北其渡則北門義渡北門橋側義渡記碑北門外
門內其渡則北門義渡北門橋往來孔道遇淮水盛漲
橋淹沒需舟濟渡舟人居奇或強索苦行旅嘉慶八
年紳士常泰謝世璽等倡捐義渡十四年謝鍾浩等
又勸捐交商生息於下蔡河口僱船六隻每船給錢
七千水發時卽赴義渡擺送不許索行人一錢其無

水之年亦照數給與以爲修葺之用合行勒石以垂永久嘉慶十七年五月

城北跨西肥河者有管家橋在閩墮集北監生管備

西馬頭橋在閩墮集南卜家橋在楊村集西楊村橋在楊村集東

舊有義渡諸生蘇裔蘇聖倫捐置明季諸生蘇三統欲建大橋僅立基址國朝乾隆八年其五世孫欲

承其事亦未克舉其七世吳家橋在顧家橋坊李家橋在顧家橋坊

家橋在瓦屋其渡則硤石口渡在朱毛集南萬家

渡在朱毛集北王家渡在朱毛集北朱家渡在朱毛集北彭家渡在陳

家集瓦壩嘴義渡在福鎮集南嶺上王宗綱瓦壩嘴

餘里地當孔道水落時闊不過二三丈橋之以行一

遇漲溢瀾望數里行人阻隔監生亮工趙君捐船一

隻以爲義渡又捐地四十八畝付瓦壩廟僧瑞珍掌

管以爲渡夫費用義甚高也及亮工殁瑞珍亦死船

遂敝廢乾隆五十七年亮工姪孫志敏偕昆弟志中志倫
 忍久而就湮商於亮工繼孫志敏偕昆弟志中志倫
 協力共襄而與瑞珍同師之荆玉和尚整理之仍造
 船渡如舊志爵告族里將原地付之時乾隆五十九
 年三月碑
 在渡東
 在閩墮
 集北
 坊
 孫家橋在尚塘
 安家橋在港灣
 十議橋在港灣
 杜家橋在港灣
 黃家渡
 劉家渡在胡家
 跨濕泥河者有杜家橋
 在閩墮
 集北
 坊
 孫家橋在尚塘
 安家橋在港灣
 十議橋在港灣
 杜家橋在港灣
 黃家渡
 議橋碑記已夏余行縣之西北尚鄉集有橋頗欹
 危息於其里人孫暖家孫固以善人名于里余曰橋
 閩墮往來之道欹壞若是為行旅病盍新之孫唯
 今年春余以觀春錄復過為橋已新矣孫暖前言曰
 縱若干尺為若干孔計費緡錢四百千計工八閱月
 皆飲力於里之人其經始十人實倡之幸其成因私
 名曰十議乞為記鳳臺習俗怠荒塞之氣每行縣屬
 道弗不除堤不完溝不濬劑望荒塞之氣每行縣屬
 輒為歎息痛恨禁之勸之諭之誘之舌幾敝矣卒莫
 之應也間有急要與造既經謀始經理指道人人皆

<p>功 袁家橋<small>在蔡家店坊</small> 谷家橋<small>在蔡家店坊</small> 黃家橋<small>在蔡家店坊</small> 耿</p>	<p>集坊 張家橋<small>在山裏集坊</small> 李家橋<small>在山裏集坊</small> 雙龍橋<small>在山裏集坊</small></p>	<p>濠河者有平石橋<small>在薛家集坊</small> 王家橋<small>在北王集坊</small> 石版橋</p>	<p>有蔣家橋<small>在北王集坊</small> 永安橋<small>在顧家集坊</small> 石橋<small>在顧家集坊</small> 跨黑</p>	<p>生鄭敬捐修土壩 陳家壩板橋<small>在顧家集坊</small> 跨小黃河者</p>	<p>集坊 畢家橋<small>在清泉集坊</small> 嶺子頭橋<small>在清泉集坊</small> 聯橋</p>	<p>碑在橋側 樂善橋<small>在邵家集坊</small> 朱家橋<small>在邵家集坊</small> 曾家橋</p>	<p>其功之成也因欣然記其經始落成月日使後來者</p>	<p>不同十人議之而合則千萬人議之無不合者固宜</p>	<p>以爲宜然及勾工庀材又或參差不前甚者狡獪</p>
--	---	--	---	--	---	---	-----------------------------	-----------------------------	----------------------------

家橋在東陳家集坊武家橋在東陳家集坊臧家橋在東陳家集坊王家橋

在大馬岡坊馬岡橋在大馬岡坊跨東泥河者有崔家土橋在北

王家集坊青磚橋在界溝北畔孫家橋在界溝集坊劉家土橋在武家集坊

坊劉家橋在武家集坊董石橋在李末店坊徐家橋在李末店坊趙

家橋在董家集坊夏家橋在夏家集坊馬家橋在夏家集坊楊家橋

在劉隆集坊劉氏橋在穆楊湖坊新塘橋在穆楊湖坊李家橋在穆楊湖坊

坊小戴家橋在劉隆集坊大戴家橋在地藏廟坊王氏橋在太平集坊

坊葛家橋在葛家巷坊周家橋在周灣坊趙修橋在高皇寺坊跨

駕河者有管店橋在管家店南畔興善小橋興善大橋在丁家集

東畔二橋相距數武石片橋在石家集坊青石橋在劉巴集坊黃家橋在新

集大橋灣兩陳家大橋在新集大橋灣岡胡家橋在

坊分界處北橋灣黃橋在黃橋灣坊跨茨河者有劉家橋在萬福集坊萬福

橋在萬福集坊跨月河者有泥岔橋在泥岔集坊許店橋在黃集坊

坊曹家橋在順河集坊王家橋在劉家巷坊跨套子河者有新

橋在下蔡故城外淮河南岸舊名堰壩跨城濠者有

東門大橋在賓陽門外跨東路中者有修善橋在城東劉家林東

跨鴨背澗者有西大橋在鴨背鋪西畔跨小陂塘者有廣濟

橋在城東王佛岡西跨南行澗者有岡東橋在王佛岡東跨路溝

者有路溝橋在三山鋪西畔跨騎馬澗者曰騎馬橋在三山鋪西

跨泉塘澗者有安敦橋在安頭鋪西跨曹家店者有趙店

橋在陳家岡西一跨洞山北澗者有小石橋在陳家岡西

跨洞山東澗者有大石橋在陳家岡東跨清水澗者有青

石橋在城東北跨雷澗者有九里橋在城西北八

東麓跨山澗者有沉綠橋在城西北跨下蔡故城濠

入淮處有小橋在城西南跨菱角湖水入淮處有大

橋在下蔡故城西南跨黑土溝者有張家橋在胡家集坊跨白洋

溝者有廣梁橋廣濟橋俱在關墮集西畔跨展溝者有展溝

橋在展溝集西畔跨港溝者有港溝橋在清泉集西畔跨北界溝者

有利濟橋在薛家集坊跨秀水溝者有餘慶橋在陳家集坊成

橋在陳家集坊楊家橋在大馬岡坊小陳橋在大馬岡坊跨謝家大

瓦溝者有謝家橋在湖坊落馬橋在湖坊跨李家小

瓦溝者有李建橋在店坊跨三官溝者有三官橋在劉

隆集坊跨張村溝者有李家橋在巷坊跨大安溝者有

安橋在集坊跨北郭塘水者有北橋在集坊跨楊廟

水者有南橋在集坊跨九龍溝者有九龍橋在集坊

跨積善溝者有積善橋在集坊跨裔溝者有黃家橋

在武家集坊張家橋在集坊王家橋在集坊石家橋在集坊

坊跨劉溝者有劉巴橋在集北跨倉林溝者有馮家

大橋在白塘村坊跨柳溝者有王家橋在集南柳溝橋在新

集北畔跨十里溝者有通濟橋在集北小磚橋在北畔

跨八里塘三里溝中界者有劉家橋在下蔡坊跨蘆溝者

有遂家橋在遂家巷坊大石橋在蘆溝集南畔跨響水澗者有周

家橋在胡家集坊孫家橋在胡家集高皇寺兩坊分界處跨濁溝者有南

通橋在雙橋集南畔跨催糧溝者有董家橋在黃家壩坊王家橋

在黃家壩坊新橋在黃家壩坊跨底利溝者有木橋在雙橋集

北畔跨橋溝者有高家橋在雙橋集東畔跨花水澗者有渡澗

橋在管家店東北陳家橋在管家店坊跨大窪者有和尚橋在揚家

坊跨劉家窪者南大橋在管家店南跨澗溝者有黃家橋

在虎頭岡坊跨官溝者有王家橋在虎頭岡陳家集兩坊分界處石家橋

在虎頭岡坊馬家橋在虎頭岡坊跨八丈溝者有劉家橋在陳家集

坊

右津梁

文廟城西門內大街名宦祠鄉賢祠忠義祠節孝祠

附文廟側文昌宮文廟東社稷壇城內西北隅風雲

雷雨山川壇城南門外皆州境先農壇城東門外厲

壇城北門外龍王廟城南門外州境火神廟城北門

內倉巷東明成化間建嘉靖丙寅隆慶丁卯邑人潘雲修本朝乾隆五十七年里人孔貴捐

施水畦一百四十個貴嘗病日八蜡廟劉猛將軍廟

城東門內大寺巷知州張佩芳重修八蜡廟碑記畧曰禮曰天子大蜡八先嗇也司嗇

也農也郵表也貓虎也坊也水庸也昆蟲也功加於民祝同詞祭同處以云報焉天以生物之功分寄於

百物各効其能而後天地之功乃無所闕人報天地之功並及爲天地効能之百物而後天地之功無所私廟在州治北後割州之半爲鳳臺縣境祀時牧令同詣行禮乾隆三十六年十二月丙子正殿三楹災越今歲六月壽州國子張朝全獨力葺其災者其前三楹爲饗堂州縣士民共捐貲易而新之又爲屋一祀劉猛將軍旣落成乞余記其事梁燾書丹知城隍縣亢慄篆額乾隆四十年十月建碑在廟內

廟城東門內大街

壽州知州張佩芳重修城隍廟記

稷有自歲時致享城隍通國之老稚男婦罔不趨事恐後社稷猶慈母生之養之而善惡無擇城隍猶嚴師善者與不善者搏擊之不少貸人固無不畏嚴師者也故其祀爲尤盛焉壽州城隍明封監察司民靈佑侯國朝因之其靈甚著余嘗苦命案煩多請於神輒有應水旱祈禱應亦如之民有梗頑不服聽斷者一質之神則傾吐無所隱先是四十年重修正殿之前楹今年春復事修葺缺者補故者新內外煥然工既竣紳士黃朝選等請余爲記余告之曰治明者人治幽者神治明者恃法而法有所不及神之禍福無

不及之故足以助法而維教且夫鞭笞加于其身與疾病死亡之加孰甚人之惡鞭笞之情與惡疾病死亡之情孰勝天下未有不無故而加之誠反其道不惟免乎此而亦無鞭笞是神之大有功於人也嗚呼此豈奔走奉祀而遂云無罪也哉乾隆四十四年歲在己亥十一月朔一日立石署壽州知州靳天培重修寢宮樂樓記畧曰壽州城隍廟其創建之始不可稽嘉慶庚申遭回祿其存灰燼之餘者亦俱摧頽如皋鄭刺史泰始議重修會以事罷去僅完殿廡余于丁卯夏權牧此州謁廟見傾圯已甚欲新之以初受職事衆志未孚又歲方禋祀未遑斯役也次年有秋州之士庶復請又因北門城樓之役事尚未藏遂巡不果迨去夏通捐廉首倡進士民之好事與之謀衆議僉同奔趨恐後諷古興工八閏月告峻凡用金四十兩有奇董事者武舉李孔清監生宋恪也其輸貲襄事者善有可嘉具載之碑陰嘉慶劉黃二公祠城隍廟東南合祀十五年八月靳天培記

忠肅王廟在城內西北舊州志云卽宋武殿基明知

州劉燾同知王九思有記正德間知州林億續修法
 暗記見州志天啟六年有署知州范紹裘重修劉忠
 肅王廟碑記在祠內又有黃公生祠在城隍廟西明
 張鶴鳴有記國朝順治間知州李大升修有記見
 州志今皆圯乾隆年間合祀湯公祠在縣署西之
 二公於此知州張佩芳有記
 梁家拐曰祀明御史州人湯鼎明壽州知州莊桐記畧
 糾百司卽權倖勢要無所避一時直聲動天下然竟
 爲當路者所忌謫戍至死而後已壽人祀公鄉賢舊
 矣嘉靖間督學御史耿公按壽欲特祠公而檄其孫
 岐爲奉祀生員隆慶間繼齊甘可來綰壽符乃借館
 人之後堂肖像以祀去歲冬余承之守壽祇謁公像
 見斯館也憲節之往來不常而神戶因之啓閉雖祀
 公實濱公也乃相東社學之堂而遷公像焉仍俾公
 孫岐家于其中朝夕焚埽復于前隙地建堂三楹以
 脩社學制而公始有崇祀矣

右壇廟

義冢陳家岡地六畝五分潘家四十畝叢林院後地五畝三分八公山下地十五畝

右義冢

附寺觀

邑中營葺甚艱木皆資之六安所產少值倍他所或山水不下輒終歲不得至土亦宜陶旅而薪蒸頗貴輒斃之值或不足償費民之食于工匠者少無巧工名梓有所興造必募匠于徽歙故邑中名藍崇觀幾巍暈革璀璨金碧者殆無一焉所記寺觀取其建自前代規模整齊及剏修年月可稽者墟里巨族每姓

輒建一廟或祀關帝或祀佛或祀華陀謂之某家廟
率狹陋無體其成毀無常不可悉載也

報恩寺在城內東北唐貞觀時建舊名東禪寺宋天

聖間建塔明洪武間改今名正德嘉靖間迭修黃普

恩寺重修碑記寺昔東禪肇自李唐元裝法師首建

佛刹祝髮度弟子修禪那延及宋仁宗天聖五年沙

門子壽子中丕覃白葉闡最上乘演第一義諦破有

窺空開權顯實建阿育浮圖瞿曇紺相收梗楠松梓

勿工督繩盡畫棟雕甍聖丹漆六通調御菩薩阿

羅漢金碧輝映而其殿閣廊廡丈室堂寮飛簷入雲

傑棟撐曰如來三大士巍巍乎雲中偉然一時之壯

觀也粵自洪武改元之初更寺名曰報恩又十七年

分符僧正統苾芻戒律仍舊貫之舉輪奐頻耀迄今

百有餘禩歷年既久加以風雨凌蝕日就圯圯寺之

僧正圓慶川祿者宿願會錦園順圓壽等因刺史林

公令慶祿會署寺事厥慶口晉廬山遠法師結蓮社

招致淵明示無相三昧天台顓禪師著釋淨土憬彼
羣昏等符來裔歷代相尚招提森烈昂教益昌熾何
吾徒監廁委靡弗振目茲祇園漸至頽壞然則鏗鉤
梵音祝延皇祚雖焚拜夔夔寧不虞其梁棟蠹朽一
且倚斜欲壓咎將誰歸蓋各恪殫厥心母憚勞勩積
會化主道元禪師及優婆塞成晟勸募諸方檀越積
緡成鏐計徒庀工梓人運斤豎木立礎俄以正德壬
申蝥爾狗盜肅聚萬餘所過剽掠焚蕩燼燹天都
民塗炭已而致差總兵提督川陝漢廣等處軍務都
督時公元追擊賊虜駐劄茲壽未幾狼山之訶死無
噍類吾人所賴以安都督時公爲人宏雅有識量奮
揚貌貅躬詣若寺遂出羨餘白金一錠期抵於落成
由是百堵皆興三門其慶琅函有閣鐘鼓有樓僧徒
有舍視昔棟宇傾欹椽栵差固今則貌牀突兀蚩吻
岩巖塔影矗空繚如其發殿閣暈飛突如其峙薄伽
金像見如其耀瑞烟吞吐妍媚蔚紆塑土刻木而爲
盤密帝釋梵天層現疊出使一人一而塵心息焉公元
禪師演說象教離四句絕百非卽了悟其旨公韜畧
縱橫才猷挺特故其胸次萃萃識見起卓乃曰焦桐
匪絃音韻琅然燧火不木煙燄欬鬱圓陀陀光皎皎

腹五行精心萬象靈燦破太虛徹見本性一疵不存
與物無侮擴吾心之天於大千沙界磕着楞着左右
逢原何莫而非明此心之要妙也迦流循幹厥有源
本明眼衲僧証容擬議嗟夫生若疣懸死同漚沒臣
其竭忠子其盡孝紛至沓來莫不各各有當然之則
但靈局埃塊滾滾苟能鑿大昏之壙闢明照戶芟刈
叢勝截斷眾流視彼與世浮沉孜孜汨于利欲而同
草木之腐朽此大相逕庭矣元鼓掌而噫且以蘭若
重修煥然一新和南齋肅庸紀是說俾剡于石其延
柔廣長方隅界至茲不復贅悉附諸石陰大明正
德九年歲次甲戌仲春二月望日朔壽州廊市道人
黃普綱大柔書終南懶散務拙野衲募緣比丘道元
督工僧正清亮助緣道人陳普晟張曉重修報恩
寺替偈畧曰塔廟之興圯關諸世運之降語人情之
驩戚本之民事之豐歉焉壽於江淮嘗以豐裕聞矣
項以吏治弗良典靈沸興柱史蒲坂楊公奉巡駐節
撫氛滌穢化理一新凡可以底庥於民者俯狗曲致
雖在殊途亦所不禁城左掖古有東林浮圖像者今
爲報恩禪寺璇題寶級龍象莊嚴歲久就埋先是真
定北丘曰惠者來自雲臺大啓善緣編扣檀越首

建三門漸及殿廡尋以虐焰燔熾避而去之至是有
以爲言者公曰是固疲民之所崇思以爲福澤利益
解脫其冤苦者也矧在歲時祝釐又爲鹵薄之所張
顧可聽其蕪穢如是邪爰命指揮陳輔諭諸士民牛
六用金良馬輩聽卒其二几三閱月殿蕪丈室次第
告葺棟宇聳騰金碧綺構羣生騖暢祝禮瞻依如登
兜率眞見如來柳子所謂陰翊王度者與爰借梵因
式陳頌偈其辭曰福壤叢林輪迴興圯大遲碩人興
頽起墜碩人桓桓繡輿持斧擴氛盪魔爲民之所如
彼慈航中流汎汎與汨俱出同登彼岸住清淨土作
如如相如是因緣眞實不妄放大光明慈忍無量繫
茲戚力流風永世縷刊寶級河山終始嘉靖十八年
歲次己亥秋八月大殿後樓燬國朝乾隆四十五
年復修之張佩芳重修報恩寺碑鳳臺縣知縣阿林
保篆額報恩寺舊名東禪寺在壽州城東
北隅壽州後分治鳳臺縣今在縣境建於唐時明洪
武初更今名前有浮圖高數丈中爲殿殿後爲閣左
右爲廊爲法堂爲丈室爲鐘鼓樓飛甍傑棟冠於諸
刹乾隆三十三年燬於火越八年丙申華提庵僧際

清請曰茲寺不治已久僉以際清能勝此則曷敢廢然治之需萬金願得一言以募余姑應之越三年殿工竣樓閣堂寮工作方興適余遷泗州際清又請曰茲役賴公言已就半矣願及公之未去爲文以記余曰記者記其成也記其半可乎無已則言其所以成者人非盡知佛法也每尊信奉法之人際清系出臨濟三十七世故初祖食戒律甚嚴一旦毅然爲此往來乞募人皆響應蓋諸法有以樓閣莊嚴爲佛事者其此是矣然方其未爲也吾不敢必其能至斯亦既至斯矣猶不自力是自墮厥功也患莫大於自墮而畏難者次之畏難者不爲自墮者雖爲而不見成功苟其不自墮也天下事安有難成者哉而際清又言異時僧以是居其徒侶如一家之子孫故寺易廢願落成之後選十方道行之高者迭爲法嗣廣臨濟之傳余曰此爾祖法也昔五祖會僧衆五百獨受衣鉢於廬行者是爲南宗今爾振起於灰燼之餘興墜舉廢功同創始又不自私傳之其人抑可以爲宗矣若夫訖工月日與捐輸姓氏財用之多寡今無由悉異日其書之碑陰原任巴東縣知縣亳州梁嶺書丹乾隆四十五年歲在庚子六月朔癸未建碑在寺內

樓後又燬嘉慶十七年復修葺大殿殿後建畏廬閣

移山門於中對殿塔添造僧房開設叢林碑曰皇帝

年萬壽聖節壽春鎮總兵臣陳廣寧中營游擊

臣涉念聖右營都司臣羅廷梁中營守備臣程錫泰

署壽州知州臣許鴻磐鳳臺縣知縣臣李兆洛署壽

州州同知臣吳良仕壽州儒學正臣王文鸞鳳臺

縣儒學訓導臣顧宜壽州吏目臣薛文錦鳳臺縣典

史臣黃承恩齋夙祝釐於報恩寺跪拜禮備班

朝序坐相與言曰無疆之慶普天所同罔不置

肅敬明尊親今寺宇卑敕不應規制宜修治乃鳩則

劇工以時而舉庶民子來三年有成遂伐石作頌曰

帝德模乾巍巍極天宜壽千億羣生祉福肅肅

淋宮象紫儀穹小大稽首時譽時處威顏不違天

日臨之惟忠惟孝式對覆燾以莫不共施于國窮

鳳臺縣報恩寺碑夫真空應物道體于靜專定慧觀

心理通于格致知止知退脩識危微何有何無胥歸

眞實此四流六度所以普照羣倫五衍八正所以兼

融衆妙因緣依倚歷百劫而常新夢泡彌綸行七步

而無礙蓋六合之內者閭支跋之間九天之下摩耶
剎波之會芸芸大生如恒河沙數汲汲下土望桑門
徑來日月磨蕩異其剛柔霜露涵濡資其燥濕視聽
食息各擅其心思耳目鼻舌莫同其好惡上德上善
固承聖而開賢中人材亦恭兄而祖父至若蒞居
金食之儔嘆息旦遊之族趨安昧危之衆驚生置義
之徒仁讓不足奠其彝倫禮教不足施其模範刑政
不足飭其衾影毀譽不足閑其心志孔顏曾孟亦嘗
知其意而難言禹稷伊且不忍變其經而就術於是
釋迦世尊目休心疾憺焉以怨瞿然而起度五天竺
而東恢四大洲之界涉金鷲之嶺越銀牛之波邀伽
蘭陀于園中現滿月輪于座上拈香擇火以身爲道
揚而壁思元得髓爲高足遂乃引之以王欲動之以
恒嗜施約而報奢事半而功倍五金七寶彈指卽成
珠絡銀袈通身致飾彌天花雨飄成雲母之英布地
金沙香奪都梁之屑直使菽粟侔于水火玉帛等于
泥沙遊行如師子之王馴擾以天龍爲役于以十方
向慕萬品皈依潛收桀跡之心盡革其驩之面寶雲
演法是非不肯于通儒靈苑開山揀宇宜恢于盛世
安徽鳳臺縣者壽州之分治也芊楚舊都曹魏重鎮

江湖帶其外淮肥保其內北接梁宋西聯陳許南承
九江之委東踞三吳之嶺雨淋花苑峻堞重闐尉武
連珠巖疆巨寨險隘則硤石青岡馬頭阨其要關梁
則壽唐東津趙步控其汭宋齊邊壤長爲四戰之郊
山澤奧區爰作五都之肆安豐之陂杭稻萬頃花廳
之城商旅千舳蓋藏殷阜家可致于猗鄭字息繁庶
谷可量夫馬牛然而珠服玉饌無裨於閭閻金穰木
饑不時其水旱佩刀衷甲每自取夫阨危結容尋仇
復共矜夫任俠蓋以符堅西遁風鶴皆兵伯之東遷
驚花無色韋孝寬陳師耀敵易破堅圍吳明徹波水
憑城輕推上將突騎銳卒源源而來斷鐵遺兵往往
而有遂令過淮王之舊壘弔廉公之故墓訪諸葛誕
之陳躅考徐世勣之遺功念垣崇祖之前規景劉仁
瞻之壯節莫不發懷古之深思作愚民之勁氣況復
激湍所衝氣多剽悍名山作鎮勢倍沈雄戶以慷慨
相高人以激昂白重者哉翳此鉅邦厥有名刹以茲
嘉號是曰報恩廣須菩提之心建大光明之藏以慈
悲弭其剛狠以智慧廸其情昧揆其經始基於李唐
沼納勃傳燈之法大盛中原鴈摩什譯經之時已開
化宇後於隙地得殘輒一故有天聖院字蓋於宋代

又增厥工北未央之閣片瓦猶存過白鹿之山餘鐘
未斷自茲以降時有廢興華嚴樓閣儵隱現於菴園
回向旃檀每蔽虧夫舍衛竹林縹緲難尋五老之廬
潛聖氤氲偶覩蓮花之徑迨入皇朝彌隆釋典
以大聖人之誠兼無量佛之照馬鳴龍樹並出人間
鹿野烏菴俱歸蕃部嵩呼三應升封初祖之龕
標駕千程降禮文殊之頂渡河香象陞白馬之
馱經入貢靈狻獒蒼虬之負藥由是精藍遍于郡國
法眷普於方州薙茆結竹泉生蘭若之庭鑿登梯雲
山滿維摩之室淮南古佛既遠拜夫宸流極北
慈光亦宏頒于慧海範銅寫像幾計以由旬瀘石
開顏若來於印度乃阿育羯羅方同歡喜伊蒲常住
不戒茶毗毗以乾隆三十三年爲火所燬北風捲地
吹成不夜之城南正司天熾弱重離之德夫位育之
道有開必先來往之機無因非創剝亢陽而復養悔
革去故而鼎就新越八年僧際清倡衆募貲鳩工興
復浮圖覽其新彩松邱還其舊觀前泗州直隸州知
州張公佩芳爲之記以刊諸碑兩江總督前鳳臺縣
知縣阿林保公篆其額雄詞妙緒擬王少之頭陀深
刻大書躋誠懸之元祕辟支聽講重開不二之門屬

鼎安跌永鎮大千之紀然風霜蝕其金碧歲月老其
榱桷不數十年墮落過半今知縣事武進李君兆洛
由庶常改官首銓斯邑下車觀政民瘼周知上乘潭
禪梵宮屢憩龔勝之來勃海人皆賣劍而買牛陶潛
之在柴桑僧更迎賓而役虎爰命匠石飭公輪捐俸
廉練時日採北麓之材伐南山之石覓茶置之純鏐
市漆林之精槩發二種之善機擇三時之農隙馮馮
登登百堵具興崔崔魏魏千尋直上飛樓互於霄漢
崇觀屬於星關瑤閣誼蕩九重切利之天貝闢岩堯
四諦清虛之府長廊直倚複道斜通雲日豔其罽罽
檜柏盤其柱礎相輪環轉法圓靈之九行丈室吉祥
供臨濟之一鉢廣場可以逕佛淨土可以息機闢闊
可以挹四綠鍵戶可以觀五蘊如來之業溥矣宰官
之身茂矣自嘉慶十六年十月訖十九年正月工作
告竣於是士庶恬和雨暘時若菽麥畢登枉枯鮮用
禽哺雛而集掌獸負子而渡江六宗色相感若風雷
十地聲聞捷於影響是則山淵之舍解南之廬雲條
茵席之潭淨界棲賢之城八士昇仙之所西昌曲水
之堂皆可聯為別館衛此豐規祥恢般若之靈壇光
宅須彌之淨境際落成之伊始適遊跡之初臨貞珉

可勒莫購千金不易之文丹竈猶存竊比
 無疆之頌其辭曰惟德動天惟帝淑德王仁覃
 覃被此下國九岳降靈百神効職爰有慧光如日五
 色透迤遂締萃律嚴閨因心合規布指知尋飛窗洞
 達歷栢璘彬風雲交翳星日來賓天險奧都地靈淵
 固彼岸活通法輪遐奏貝莢常春若華恒晝寶曆玉
 臚照此宏富雪山蔥嶺隻履非遙惠我蒸黎匪夕伊
 朝露陵漸泯氛祲津消珍臺倚郭瑞霏霏郊不捨法
 門無遮淨果有物有恒無彼無我瓊竿九仞蒼蓮萬
 朵是暝是跌曰能曰可三十六兩七十二風蘿圖席
 泰雲構星豐惟佛新宇惟帝斯宮峩峩奕奕億
 禩爲宗嘉慶十有九年歲次甲戌四月陽湖周儀幃
 撰文吳江吳育臥佛寺在城東門內寺塑一佛側臥
 書丹并篆額
 六軀也後邑人又塑一小像于前大僅三之一世說
 庾公見臥佛曰此子疲于津梁世以爲名言劉孝標
 注云涅槃經言如來背痛於雙樹間北首而臥故後
 之圖繪者爲此象院宇間版宦遊者多僦居焉寺
 有二碑皆無撰書人名前一碑畧云臥佛寺不知何
 自始相傳以爲前明進士張夢蟾家廟也乾隆五十

五年知縣陳文矩修又一碑畧云臥佛像隱通殿後無以展跪拜擬于殿後置亭敬奉其中適大叅戎薛公示西蜀臥佛像以右手支首左手覆膝頗似坐而假寐者因捐俸倡施築亭南接殿後簷以西蜀之像像焉而移舊像于後乾隆東嶽廟在城內東北有順五十八年也薛名樹英
年邑人常子應貝士珍二
十七人捐貲重修碑記
芳重修真武廟畧曰真武廟在壽州北門甕城內佩鳳臺縣境有真武像一高五尺餘左右侍從各二各高三尺皆以銅爲之先是廟在北門外明隆慶四年移建於此歲久點昧室宇頽敝今上四十年四月紳士王丕謨李敏張志岳商所以募施子曾爲之疏旣得銀以兩計者百六十餘神像以金飾之木石塗堅粉繪以次畢舉興工於九月十五日越二月落成老圖志真武樂清國王太子入太和山修鍊今武當是已或傳真武既入山修鍊久之無所得出見老嫗持錢柱磨石上問所爲曰爲針曰不亦難乎嫗曰功久自成神悟隨精修四十年昇舉今武當山蓋有磨針閣云由此言之神蓋以精力自致非天成者況於

志聖人之道者耶吾聞天有五帝北曰叶光紀秩於
祀典蓋水德之精育養萬物水旱之司與有責焉壽
州游饑之餘入冬以來雨雪應候不可謂非神之庇
也亳州梁獻書丹乾隆四十一年三月十五日建

準提庵在書院前乾隆二十年那尚寬等捐修圓通寺在北門內元至正

建正德十四年修寺附城根左為小閣達城樓閣上
祀方孩未趙亘中二公署壽州知州靳天培所葺也

降福廟明秀宮高皇廟俱在北門內倉巷東建修年月無考

就頤彌陀庵在箭道巷北亦曰三聖庵不知何時建
壞矣有雍正己酉僧靜庵重修

碑記進讀庵在書院後乾隆甲子僧起照募修碑碧霞

元君廟城北四頂山上土人相傳祈子輒應每歲三

固穎毫牽車鼓楫而至雲集霧會自昏徹旦北山

碧霞元君行宮新修碑惟東嶽岱宗之神妃碧霞元
君厥有行宮崇于茲山垂休奕禔長享利貞體出震
之生氣昭孚甲之神功網緼元化感歆姬育高禰之

營建

禱靈其與矣童戲歡虞吏民蒙福嘗以三月之望潔
性酌醴肅將禋祀展謁誠敬都人士女殊方來慕趨
越千里應時而集不其偉歟靈宮有年梁棟朽壤不
及茲修治將無以告虔明府武進李君到官五載年
穀屢登民無疾疫蟲蝗不流工作並興縣民吳芳春
以私錢若干卜擇吉日役工興理黜至斯煥崇檐翼
如神道尊顯永保于齡以頌功德刻石紀焉頌曰於
戲穆清化醇萬物惟神降庥如啓斯闢化陰導陽黃
精之氣神符靈瑞郁郁雰雰淝水浩浩八公峩峩民
罔不誠福祿來儀惟我表碣于胥斯原本茲道要詔
爾後見嘉慶十大王廟一在城北門外大橋北舊爲
九年八月造大王廟一在城西北門外大橋北舊爲
道詹某生祠後改建此廟一在西碛石山上建國初禹
雍正七年修內有碑記

王廟城西北禹王山上

有前明重修碑記

興福寺城西北三

峯山茅仙洞下厓

即古硤石寺唐異僧道樹結茅之所明天順間僧玉田偕其徒昭杲

改建曰興福寺嘉靖間知州王鏊清軍楊詹萬歷間僧圓海圓慧迭修見州人張曉張夢蛟記碑在寺內

張曉碑曰北山繇四頂而東爲紫金爲車路而珠
泉湧泉皆出其下繇八公而北十五里許蜿蜒起伏
跨淮而西爲硤石山淮肥合流其中故西山有禹祠
峽東少却奇峯秀拔上峭如礪峯巔有洞窅然深廣
入可五丈歛口如甕腹中相傳三茅真人昔嘗鍊形
于中故有三峯之號云洞口有古藤秀木隙地可亭
杖履及此令人有上清控鶴之想其外□□石徑
嶮口足不可留矣南下里許闢地百畝爲古峽石寺
蓋唐異僧道樹結茅之所而寺因以興明天□□
玉田者借其徒昭杲易名興福而改作之自是鍾魚
不絕故人但知有梵宇而茅仙之跡湮矣嘉靖初閩
□□□□威于斯入于寺前構亭三楹扁曰蓬壺
旁立二坊左曰尋真右曰招隱豎石濱淮題茅仙洞
三鉅字蓋欲表其□□爲洞天設也□其上冒層
巒下臨淮水南望郡□西望禹祠把酒臨風白雲翩
然如御瀚海之風而躡蓬萊員嶠之境也已亥春□
民暢事集才優入攬轡登高尋幽弔古于凡壽之□
□如二泉三峯□□構亭數區時招郡人相與論
學朋來如雲□訪茅仙山顧其殿廡不葺爰命百戶

劉守撤而新□□坊榜曰別是一天不數旬守來告成昔人以洛陽亭榭之盛衰卜天下之安危愚請以壽陽亭榭之興圯占淮南之理亂請遂書之以竣明嘉靖十八年歲次己亥八月既望水西張曉記

文殊寺在下蔡故城內東北隅相傳周世宗顯德年

代祀世宗於寺易名柴王殿前明改建五顯廟國初里人塑三佛像奉之復名文殊寺乾隆間掘寺中

地得重修五顯廟殘碑嵌佛座臺側又四斷碑散置

寺內各壁殿前有四石幢高一尺周徑三尺二寸紀

里人捐資供佛者姓名一幢明宏治十三年立一幢

宏治十八年立二幢皆正德元年立中載婦人名妙

果妙安妙聰

蓋女尼也

下蔡城隍廟在下蔡故城內西南隅相傳

周世宗顯德年間建明初封爵忠佑侯崇禎十一年

重修有碑記在西廊下文曰州來國楚之附庸吳得

之遷蔡昭侯於此為下蔡漢為下蔡縣魏置下蔡郡

梁置汴郡唐置渦州古城也周世宗徙壽州于下蔡

今之下蔡鄉也宋孝宗復改為下蔡縣元因之我朝

永樂初始廢為下蔡鄉屬壽州迄今城址尚在舊有

城隍神我朝封忠佑侯靈通不昧廟祀二百餘載居民賴以禦災捍患歷久頽壞有信士馬廩糾化衆姓捐資重修三載告成城址在而神不泯民其永賴乎爰記之並刻衆姓名於左大明崇正十一年歲次著雍射提格元武樓在下蔡故城內中衢本在下蔡故城外東北黃穀月上吉銅山上明嘉靖三十五年移建有里人張曉碑記後壁嵌石刻古壽春城四字嘉靖庚子銅臺錢雍熙書蓋是故城門額王皇閣在下蔡故城內東北明萬曆移置於此也

年建郡人張夢蛟撰碑普濟庵在下蔡故城內東北

記其事在門內左側隅明崇禎六年建本朝康熙四年重修有碑前殿後簷門額上又有一小石碑刻禹績二字嘉靖丁亥壽州刺史劉天民書舊在禹王山墮草莽中乾隆

間移置於此又有萬歷四年重修觀音大士殿碑古

濠張星三官廟在下蔡故小南門城上不知何時建炳誤

門額嵌一石刻橫列連文昌閣奎星臺在下蔡故城保障四字無書人名

西南隅城址上

本在下蔡故城內東南隅明時移建閣後壁嵌石刻淮淝交秀四字資

壽寺在下蔡故城東門外淮河東岸黑石山上

據證悟禪

師禹寺蓋唐時所建今有碑缺換人名記曰黑石潭之上曰龍王祠祠之後古資壽寺蓋建千大宋寶祐間也歲久傾圯釋子性通協諸檀越郭聰隗昇王賢募捐金帛鳩工庀材撤舊更新始正德甲戌之春訖工於丙子之秋寺門外壁上又有白衣庵在下蔡古宋建隆時證悟禪師禹見藝文志

城北

明萬歷丙辰建有邑人方震孺碑記

白龍王廟在城北白龍潭上

知州張佩芳重修白龍王廟記先是廟在鳳臺縣東北三十里魯村灣白龍潭之上潭為淮南岸相傳有木軀沂淮而上居民得之拭視龍王像也因建廟以祀後廟圯於水像寄迎水祠佛殿中今年春淫雨總鎮閭公祈晴於神翼日果霽麥以有秋願捐俸重修時余方攝縣事商之紳士孔家言等僉曰公為吾民而祀義不可後又曰廟濱淮易圯當更卜迺於五月已酉興工移建迎水祠之東偏為殿三楹飾舊像而

新之外爲周垣逾月工竣仍顏曰白龍王廟夫神非
人罔依人非神無福茲席之廢不幾何年而水旱頻
仍有以也然神既假靈此土其必有以樂乎此也而
民亦幸神之樂此也而祀之雖其既廢猶必興之固
謂是致雲雨澤下土者神之福也夫力足以福民而
又致其尊崇禱祀以求此固神之所許者今而後水
旱之災吾知免矣乾隆四十四年六月吉日重建總
鎮閭捐銀十兩紳士孔家言張志嶽何麟書魏嘉言
李坦共捐錢一百五十千順濟龍王廟在黑石潭山
文碑在廟內禱雨輒應

資壽旁有元總管張謙禱雨靈應碑記詳藝文廟圯
本朝乾隆四十四年壽春總兵閻修建

黑石潭順濟龍王廟重修碑記嘉慶十有八年秋
七月旱田疇龜坼禾菽焦蹙赫曦當空農夫怨咨禱
神不禱寧莫我聽余則齋戒至於茲山跪拜而祝之
既三日雲陰晦霽清風滌煩飛揚旌旂游神靈惚恍雷
電震煜雨澤滂溥四野沾淫枯濡槁蘇歲以有秋民
用歡躍茲山靈歟厥名黑石元時封順濟龍王至正
三年安豐路總管張謙禱雨而應會碑其事自爾以
後禱而應者屢矣不勝記亦莫有記之者夫百神者

分天之職者也天之心愛人而神承之天有早潦
疵癘非天心也陰陽之氣之偶乖反者也天廣大而
不能遍則天之憾也神承天之施以導其和而弭其
沴故天下之待命於神也猶其待命於天此邦之人
頗怠于耕作仰天澤以爲豐歉雨暘稍愆則焦然嗟
愁神都於此安其寢處長養其孫子時遊其野不閔
怨呼之聲固神之所樂者也此其所以禱而輒應也
張謙碑已欹斜灌莽間爲重立之翼以亭因刻其事
爲享神之歌使我民歲時歌之以樂神歌曰矗崩劣
兮山皋石積鐵兮風饗俯靈洲兮宵深沈是守地戶
兮羣神所曹神之都兮香香葺荷屋兮登天門從螭
兮珠宮曠彷彿兮淮之渙神之遊兮訴愁苦民之
兮朝玉晨竊佩纓兮接天語爲我民兮訴愁苦民之
愁兮天爲憐遠天澤兮神所專雲車兮風馬相從兮
來下頓飛轡兮故鄉羌仿徨兮四野澤流兮空光許
原隰兮被陵岡雷轟轟兮不怒電爍爍兮空光許給
靈殖儼以祗候兮妖魃跳而遁藏揭升降兮神勞止
我民歡兮天喜仰造物兮太空歸荃宰兮神之功擊
牲兮列俎傳芭兮坎鼓神淹留兮容與年屢豐兮肅
告禋歲將事兮罔不寅歲復歲兮年復年神與我民

子宜子宜孫知約衆寺在史家集東南二里舊羅城

縣事李兆洛記內寺有正德六年鐘載壽州下蔡鄉發洪冲即今福田

窟也擎臺寺即今約衆寺也國大聖寺在雙橋集

初易名崇佛寺今復易名約衆寺東北蘇家臺上蔡西鄉木城村五子臺大興庵天啓

五年重修碑載易名大聖關帝廟在城北石馬店內

寺不知何時易名蘇家臺有前明社姬溝寺在縣西北姬溝坊夏肥水西畔金

學殘碑輪寺在縣北山里集金輪山巔元代建前明萬歷六

事方瑯高皇寺在縣東北高皇寺坊柳溝河北岸門

誤碑外有碑記地名高國建寺煉城寺在縣北新集西三

甚舊明正德十四年重修里煉城村寺明宏治間建嘉靖萬歷天啓崇禎間屢

修之有四記事碑二立大門外二嵌殿壁鳳臺縣志卷三營建

碑稱煉城為老子煉
丹處無稽之譚耳

插花廟在縣西北焦岡水碧寺

在縣西北水碧村湧泉庵城東北湧泉山上孤山寺

城西北孤山南麓迎水寺在縣北白龍潭西

初建國草

寺在縣北李興集東南三里洪江寺在縣西北陳家

樓坊北界陳家樓東岳廟在縣北九十里陳家樓坊

亦曰甘家廟

廟內有碑記前明建屬壽州下蔡鄉磚

本朝雍正乾隆嘉

慶間屢次重修白棠村東嶽廟在白棠村

新修碑記五嶽

於天下最尊泰山尤嶽之尊者故書云岱宗傳者曰
東方陰陽之交萬物資始為眾所宗也道家者流遂
謂東嶽主生能為人延壽命廟祀遍天下鳳臺北肥
河之厓有白棠村其建東嶽廟也云自漢伊始不可
得詳也茲土自漢以來歷為兵爭區人習干戈承平
無事無所用其搏噬之氣睚眦言語往往挺刃矢相

併視性命如草芥殆與神之行違反將神醜其德弗
之恤耶抑事神之心有未至耶夫吾儕幸得天地之
貴氣而爲人又幸生太平無事之時得以安居暇食
服習禮義則所以平其心養其氣以厚其生者宜何
如而顧妄逞其暴戾以致禍者以當乎神之心而無失
以求福而惟求所以致福者以當乎神之心而無失
乎事神之意則神人永有賴焉廟僧洪深修葺廟屋
藉其產上之官將刻石以垂永久故爲著籍勒禁于
碑陰而特揭神之德以詔示之使自知其生之闕
可貴也嘉慶十七年月日知縣事李兆洛記
城隍廟在闕幢集西鐘有碑記畧曰闕幢城隍蓋自房
闕者姓也爾雅云宅四外曰幢意當日闕姓必盛因
此得名俗稱闕澤故里也廟制雖存僧無瞻養西潁
上人選政謀諸衆居士公買張訓地六畝八分資錢
三十四千餘又增修兩廊前山門住持有所養祈禱
生其肅矣汪君殿鳳寔倡是功事竣而恐衆德之淨
泯民也鐫石誌之乾隆歲次甲辰中州李賴堂撰
梵寺在闕幢集北藏經石匣詳藝文寺今漸頽廢有

明時二碑俱斷碎

慈雲庵在桂家集南

靈官寺在縣北八

里雲堆山

舊爲朱雀寺不知何時建

附游觀

古者百里之地必有園遊居高明遠眺望順時令同民樂也肥水之陽八公之陰其林麓奧美登臨覽觀之勝酈氏水經注言之頗詳彼當天下擾攘時粉飾如此方今累朝昇平民樂本業安樸邀不爲耳目近玩從政者勤力治事無遑逸豫宜其舊跡莫之復而來者亦莫肯致美也舊州志載壽春八景

壽陽烟雨硤石晴嵐

東津曉月西湖晚照茅仙古洞珍珠湧泉紫金 亘不登翠八公仙境今惟西湖屬州境餘俱爲縣地

足述以予所嘗憑覽者著于篇

青琅玕館

琅玕館在城北雲驢山下邑人孫蟠別業吳育青

平衍廣可

數畝四山環合鬱鬱芊芊雲容物態茲可

觀也竹屋

數間黝綴幽寂牆垣器用亦多以竹蓋數

十年矣其

旁多雜樹柵柱粗梨梅杏之屬無不有翠

蔓交絡蒙

龍參差入其門望之怡然卽之欣然繞屋

竹竿千个

綠陰翳翳窈窕蔽陽冷風入則鏗鏗然響

琴瑟余與

李君及二三君子徘徊俯仰賦藁竹之詩

不忍去既

則引觴而醉頽然而顧曰江南之地多竹

人雖樂而

翫之不若是及此乃若深谷窮巖之士伏

匿隱處可

遇而不可求嗚呼祇其可貴也矣同遊者

金門嘯園

單師檀廩木何晨躍曉林任埧惺莽莊綬

甲卿珊陸

恩應君澤余從兄鍾逕構堂李君從兄寶

琮敬甫縣

人蕭景雲雪蕉李君及余君澤之子佑麟

雪蕉之子

公汝李君瑪瑙泉別墅在城北五株山下

之子顓願

凡十五人瑪瑙泉別墅在城北五株山下

余爲之記

曰北山多名泉碼瑙泉在廉將軍墓左孫

景賢上舍

營別墅焉泉上出精瑩可鑒上有佳木喬

人

營建

枝互翳鑿方塘引泉盈之築小亭於其中敞牖四達
芙蓉被波纖鱗唼綠水溢東出潺湲然瀉石上下導小
溪曲折數里達於肥泉之南結廬數楹容促坐蓋營
之而未成也負阜接磴屏擁案演面帶肥水悄焉西
邁熨湖淳淳鮮碧無際外則交橫阡陌方罫原隰秋
場可築春蔬足供依巖弄泉則危樓複堞馳驅宿闕
時明滅於青林之表遠不絕跡近不涉囂亦間居之
勝賞矣余讀水經注壽春城郛左右自長瀨津而下
有山淵寺解南精廬西昌寺曲水堂皆擅山水之勝
當南北戰爭之時此爲兵衝而名藍傑觀曾不隳壞
酈氏崎嶇戎馬無廢燕遊而文筆之美又足以發揮
幽奧漱滌巖壑每過北山未嘗不慨然思之夫山水
之華澤天地之所含演也所以條暢靈明舒寫仁智
方今安寧日久民氣和樂茲誦之聲盈耳而名勝之
地祗益蕪塞風雅或少衰矣余嘗以春秋佳日攜賓
從至泉上仰矚雲嶠覲八公之奇蹤顧尋壘培想謝
傳之元致解弢息陰往往淹居景賢乞爲之記因欣
然書之深望其暨之成也嘉慶甲戌二月吳育
瑪瑙泉記尋北山之麓而西不數里有瑪瑙泉焉泉
亦上山味甘美不若珠泉之清潏人孫氏屋其上泉

在其屋後激潭中深不見底蓋土泉也色碧如瑪瑙
故名然潭周廣可一畝瀏瀏乎其清也淵淵乎其都
也風行水上若織貝若霧縠其來不可圍其去不可
止也蓋旣濫而後溢焉孟子曰盈科而後進茲非其
類耶惜乎不放于海也孫氏匯其前爲方池亭其中
央窗四出可列坐道小溪屈折東流注于肥緣溪皆
栽柳樹蒙茸茂密柔條漾綠倒映溪水亭之左爲小
橋室其門深其外甃方石焉泉墜石山聽之潺潺然
如瀑布吁可畏哉斯泉也以其甘而人或
作之使不得安其性况人乎哉